

共五冊

論語集解義疏

二

□ 12
3083
2



12
3063
2

論語集解義疏卷第三



魏何晏集解

梁皇侃義疏

日本根遜志校正

論語公冶長第五

疏

公冶長者孔子弟子也此篇

所以次前者言公冶雖在枉濫縲紲而為聖師

子謂公冶長可妻也雖在縲紲之中非其罪也以其

子妻之註孔安國曰公冶長弟子魯人也姓公冶

名長縲黑索也紲擊也所以拘罪人也疏子謂至



云子謂公冶長可妻也者公冶長弟子也可妻者
 孔子欲以女嫁之故先評論而謂可妻也云雖在
 縲紲之中非其罪也者既欲妻之故備論其由來
 也縲紲黑索也紲學也古者用黑索以繫罪人也
 治長賢人于時經枉濫在縲紲之中雖然實非其
 罪也云以其子妻之者評之既竟而遂以女嫁之
 也范甯曰公冶行正獲罪非其罪而孔子以女妻
 之將以大明衰世用刑之枉濫勸將來實守正之
 人也将以大明衰世用刑之枉濫勸將來實守正之
 至也別有一書名爲論釋云公冶長從衛還魯行
 老嫗當道而哭治長問之嫗曰前日出行于今
 不反當是已死也治長不知所在治長曰向日出
 往清溪食肉恐是嫗兒從何得知之嫗曰見治
 死即嫗告村司村司問嫗從何得知之嫗曰見治
 長道如此村官曰治長不殺人何緣知之嫗曰錄
 長付獄主問治長何以殺人治長曰綠知之嫗曰
 人主曰當試之若必解鳥語便相放也若緣不殺
 令償死駐治長在獄六十日卒日有雀也子緣不
 令償死駐治長在獄六十日卒日有雀也子緣不

上相呼嘖嘖唯唯治長含笑吏啓道而笑治長
 是似雀鳴嘖嘖唯唯治長含笑吏啓道而笑治長
 折角收斂不盡相呼往啄獄主未信遣人往看果
 如其言後又解猪及燕語屢驗於是得放然此語
 乃出雜書未必可信而亦古舊相傳云治長解鳥
 語故聊記之也○**註**孔安國曰公冶字子長也
 人也姓公冶名長○**註**范甯曰名芝字子長也

子謂南容邦有道不廢邦無道免於刑戮以其兄之

子妻之**註**王肅曰南容弟子南宮縉魯人也字子

容不廢言見任用也**疏**子謂至妻之○云子謂南
 道不廢邦無道免於刑戮者明南容之德也若遭
 國君有道則出仕官不廢已之才德也若君無道
 則危行言遜以免於刑戮也刑戮通語耳亦含輕
 重也云以其兄之子妻之者論之既畢孔子以已

兄女妻之也。昔時講說好評公冶南容德有優劣。故妻有己女。兄女之異。侃謂二人無勝負也。卷舒。隨世乃為有智而枉濫。獲罪聖人。猶然亦不得以。公冶為劣也。以其女妻公冶。兄女南容者。非謂。權其輕重。政是當其年相稱而嫁。事非一時。在次。耳。則可無意其間也。○**註**王肅曰。南容弟子南宮。南宮魯人也。字子容。○**姓**也。

子謂子賤。○**註**孔安國曰。子賤魯人。弟子宓不齊也。君

子哉。若人魯無君子者。斯焉取斯。○**註**苞氏曰。若人

者。若此人也。如魯無君子。子賤安得取此。行而學

行之。○**疏**也。云謂至取斯。○云子謂子賤者。亦評子賤

人如此也。云魯無君子者。斯焉取斯者。故言君子哉。若

美魯也。焉安也。斯此也。言若魯無君子。子賤安得。取此君子之行而學之乎。言由魯多君子。故子賤得之。

子貢問曰。賜也。何如。子曰。汝器也。○**註**孔安國曰。言汝

是器用之人也。曰。何器也。曰。瑚璉也。○**註**苞氏曰。瑚

璉者。黍稷器也。夏曰瑚。殷曰璉。周曰簠。簠宗廟器

之貴者也。○**疏**何如者。子貢問至璉也。○云子貢問曰。賜也

不及己已。獨區區己分。故因譏問何如也。云子曰

汝器也者。孔子答曰。汝是器用之人也。云曰何器

也者。器有善惡。猶未知已器云何。故更問也。云曰

瑚璉也者。此器有善分也。瑚璉者。宗廟寶器。可盛黍稷也。言汝是器中之貴者也。或云。君子不

器。器者。用必偏。瑚璉雖貴。而為用不周。亦言汝乃

器。器者。用必偏。瑚璉雖貴。而為用不周。亦言汝乃

是貴器亦用偏也故江熙云瑚璉置宗廟則為貴
器然不周於民用也汝言語之士東脩廟則為
豪秀然未必能幹煩務也器之偏用此其貴者猶
不足多况其賤者乎是以玉之碌碌石之落落君
子皆不欲也○苞氏曰至貴者也○云瑚璉者
黍稷器也者用盛黍稷之飯也云夏曰瑚云者
禮記云夏之四璉殷之六瑚今云夏瑚殷璉講者
皆云是誤也故樂肇曰未詳也然夏殷各一名而
其形未測及周則兩名其形各異外方內圓曰簋
內方外圓曰簠俱容一斗二升以簋盛黍稷以簠
盛稻粱或問曰子貢周人孔子何不捨當時而遠
稱二代者亦微有旨焉謂湯武聖德伊呂賢才
德則與孔子不殊賢才與顏閔豈異而湯武飛龍
伊呂為阿衡之任而孔子布衣洙泗顏回輩此器
廢則論其人則不殊但是用捨之不同耳譬此器用

或曰雍也仁而不佞註馬融曰雍弟子仲弓名也姓

冉也子曰焉用佞禦人以口給屢憎於人不知其

仁也焉用佞也註孔安國曰屢數也佞人口辭捷

給數為人所憎也疏或曰至佞者或人云弟子冉

雍甚有仁德而不能佞媚求會時也云子曰焉用

佞者距或人也言人生在世備仁躬自足焉用作

為惡也禦猶對也給捷也屢數也言佞者口辭對

子使漆彫開仕對曰吾斯之未能信註孔安國曰開

弟子也漆彫姓也開名也仕進之道未能信者未

能究習也。子悅。註鄭玄曰：喜其志道深也。

悅云：子使漆彫開仕者，孔子使此弟子出仕官也。云：對曰：吾斯之未能信者，開答也。答師稱吾者，

古人皆然也。答云：言已學業未熟，未能究習，則不

為民所信，未堪仕也。一云：言時君未能信，則不可

仕也。故張憑曰：夫君臣之道，信而後交者也。君不

信臣，則無以授任。臣不信君，則難以委質。魯君之

誠，未洽於民，故曰未能信也。云：子悅者，孔子聞開

言而欣悅也。范甯曰：開知其學未習，究治道，以此

為政，不能使民信已，孔子悅其志道之深，不及於榮祿也。

子曰：道不行，乘桴浮於海，從我者其由也與。註馬融

曰：桴，編竹木也。大者曰筏，小者曰桴也。子路聞之

喜。註孔安國曰：喜與已俱行也。子曰：由也好勇過

我，無所取材。註鄭玄曰：子路信夫子欲行，故言好

勇過我也。無所取材者，言無所取桴材也。以子路

不解微言，故戲之耳。一曰：子路聞孔子欲乘桴浮

海，便喜不復顧望，故孔子歎其勇曰：過我無所復

取哉。言唯取於已也。古字材哉同耳。不子曰：至取

不行，乘桴浮於海者，桴者，編竹木也。大曰筏，小曰

桴。孔子聖道不行於世，故或欲居九夷，或欲乘桴

泛海。故云：道不行，乘桴浮於海也。云：從我者其由

也。與者，由。子路名也。言從我浮海者，當時子路也。故云：其由與。云：子路聞之喜者，子路聞孔子唯將與已俱行，所以喜也。云：子曰：由也好勇過我者，然孔子本意，託乘桴激時俗，而子路信之，將行，既不達微旨，故孔子不復更言其實。且先云：由好勇過

論語集注卷之三

我以戲之也。所以云過我者，我始有乘桴之言。而子路便實欲乘此是勇過我也。云無所取材者，又言汝勇乃過勝於我，然我無所覓取為桴之材也。○鄭玄曰：至同耳。○云子路信云者，此注如向釋也。云一曰云云者，此又一通也。此意亦與前不乖也。云無所復取哉，言唯取於已也。此注則微異也。哉，送句也。言子路信我欲行，而所以不望者，言將我入海，不獲取餘人哉。言唯取已也。云古字材哉，同耳者，古作材字，與哉字同。故今此字雖作材，而讀義應曰哉也。又一家云：孔子為道不行，為譬。言我道之不行，如乘小桴入於巨海，終無濟理也。非唯我獨如此，凡門徒從我者，道皆不行。亦並由我故也。子路聞我道由便，謂由是其名，故好勇過我，我無所更取桴材也。

孟武伯問：子路仁乎？子曰：不知也。○註：孔安國曰：仁道

至大不可全名也。又問：子曰：由也，千乘之國，可使治其賦也。○註：孔安國曰：賦，兵賦也。不知其仁也。求也何如？子曰：求也，千室之邑，百乘之家，可使為之宰也。○註：孔安國曰：千室之邑，卿大夫之邑也。卿大夫稱家，諸侯千乘，卿大夫故曰百乘也。宰，家臣。不知其仁也。赤也何如？子曰：赤也，束帶立於朝，可使與賓客言也。○註：馬融曰：赤，弟子公西華也。有容儀，可使為行人也。不知其仁也。○疏：孟武伯問至仁也。路仁乎者，武伯問孔子云：弟子中有子路，是仁人乎？云：子曰：不知也者，孔子答也。所以云不知者，

范甯曰。仁道弘遠。仲由未能有之。又欲指言無
 仁。非獎誘之道。故託云不知也。云又問者。武伯得
 答不知。而意猶未已。故更問云。子路定有仁不乎。
 故范甯曰。武伯意有未愜。或似仲尼有隱。故再問
 也。云子曰。由也。云者。賦。兵賦也。孔子得武伯重
 問。答又直云不知。則武伯未已。故且言其才伎。然
 後更答以不知也。言子路才勇。可使治大國之兵
 賦。仕為諸侯不知也。云不知其仁也。云不知其仁
 才。堪而猶不知其仁也。云求也。何如者。武伯又問
 孔子。弟子冉求。其有仁不乎。故云何如也。云子曰。
 求也。云云者。亦不答仁而言求之。才亦堪也。云
 之。邑。卿大夫之邑也。百乘之家。三公采地也。言求
 才。堪為千室百乘之邑。宰也。云不知其仁也。者。亦
 結。答不知其仁也。云赤也。何如者。武伯又問。弟
 公西華。有仁不乎。云子曰。赤也。云云者。亦唯答赤
 之。才能也。東帶。立於朝。謂赤有容儀。可使對賓客
 言。語也。故范甯曰。東帶。整朝服也。賓客鄰國諸侯
 來。相聘享也。云不知其仁也。者。亦不答仁而言求
 之。邑。卿大夫之邑也。百乘之家。三公采地也。言求
 才。堪為千室百乘之邑。宰也。云不知其仁也。者。亦
 結。答不知其仁也。云赤也。何如者。武伯又問。弟
 公西華。有仁不乎。云子曰。赤也。云云者。亦唯答赤
 之。才能也。東帶。立於朝。謂赤有容儀。可使對賓客
 言。語也。故范甯曰。東帶。整朝服也。賓客鄰國諸侯
 來。相聘享也。云不知其仁也。者。亦不答仁而言求

能全受此仁名。故云不知也。○名也。○言子路未
 臣。不復論夏殷且作周法。周天子畿內方千里。三
 公采地方百里。卿地方五十里。侯地方四百里。五
 里。畿外五等。公方百里。卿地方五十里。侯地方四
 里。子方二百里。男方一百里。采方五十里。衛方十
 地。亦為三等。各依其君國十分為之。何等之臣。其
 畿千里。既以百里為三公采。五里為卿采。五里為
 五里。大采。大夫采。地。故畿外準之。上公地方五百
 其。臣大采。方五十里。中采。方三十里。小采。方十
 二。里半。侯方四十里。其臣大采。方三十里。小采。方
 二。里。中采。方二十里。小采。方十里。其臣大采。方
 三。里。中采。方十里。小采。方五里。其臣大采。方
 里。其臣大采。方十里。小采。方五里。其臣大采。方
 男。方百里。其臣大采。方十里。小采。方五里。其臣
 二。里半。有方一里者。六。又方半里者。一。則合十八家
 里。半。有方一里者。六。又方半里者。一。則合十八家
 論語集注卷之三
 七

有餘。故論語云：十室之邑，其中大小各隨其君。故或有三百戶，是方十里者；一或有千室，是方十里者。三有餘也。云：諸侯十乘者，謂上公也。云：卿大夫故曰百乘也。宰家臣者，然百乘之家，是三公之采。鄭注雜記及此，並云：大夫百乘者，三公亦通有大夫之稱也。○註：馬融曰：至人也。○行人，謂宜使為君出聘鄰國，及接鄰國之使。來者也。周禮有大小行人職也。

子謂子貢曰：汝與回也孰愈？註：孔安國曰：愈，猶勝也。

對曰：賜也何敢望回也。聞一以知十，賜也聞一

以知二。子曰：弗如也。吾與汝弗如也。註：苞氏曰：既

然，子貢弗如。復云：吾與汝俱不如者，蓋欲以慰子

貢心也。疏：子謂至如也。○云：子謂子貢曰：汝與回

汝與顏回二人，才伎誰勝者也。所以須此問者，繆播曰：學末尚名者多，顧其實者寡。回則崇本棄末，賜也未能忘名存名，則美著於物，精本則名損於當時。故發問以要賜對，以示優劣也。所以抑賜而進回也。云：對曰：云云者，答孔子以審分也。王弼曰：假數以明優劣之分。言已與顏淵十哉及二，明相去懸遠也。張封溪曰：一者數之始，十者數之終。顏生體有識厚，故聞始則知終。子貢識劣，故聞始裁。至二也。云：子曰：弗如也者，弗不也。孔子聞子貢之答，分有懸殊，故定之云不如也。云：吾與汝弗如也者，孔子既答子貢之不如，又恐子貢有怨，故又云：吾與汝皆不如也。所以安慰子貢也。○苞氏曰：至心也。○云：既然子貢弗如者，釋前弗如也。復云：云云者，苞意如向解而顧歡申苞注曰：回為德行之俊，賜為言語之冠，淺深雖殊，而品裁未辨，故使名實無濫，故假問孰愈。子貢既審回賜之際，又得發問之旨，故舉十與二以明懸殊之貌，故判之以弗如。嘉其有自見之明，而無矜尅之貌，故判之以弗如。

○通田氏曰書寢畫畫日
而最也列子書寢夢
子華氏之困韓詩外
傳衛靈公喜夜而起
志元益哀公喜夜
子完手陳蔡之問
不終七日不嘗粒
云云宋玉高唐賦
王畫寢于高唐之堂

同之以吾與汝此言我與爾雖異而同言弗如能
與聖師齊見所以為慰也侃謂顧意是言我與爾
俱明汝不如也非言我亦不如也而秦道賓
曰爾雅云與許也仲尼許子貢之不如也

宰予晝寢註苞氏曰宰予弟子宰我也子曰朽木不

可彫也註苞氏曰朽腐也彫彫琢刻畫也糞土之

牆不可朽也註王肅曰朽墁也二者喻雖施功猶

不成也於予與何誅註孔安國曰誅責也今我當

何責於汝乎深責之辭也子曰始吾於人也聽其

言而信其行今吾於人也聽其言而觀其行於予

與改是註孔安國曰改是者始聽言信行今更察

言觀行發於宰我晝寢也疏宰予至改是○云宰

予惜學而晝眠也云子曰朽木不可彫也者孔子

責宰予晝眠故為之作譬也朽敗爛也彫彫鏤刻

畫也夫名工巧匠所彫刻唯在好木則其器乃成

若施工於爛朽之木則其器不成故云朽木不可

彫云糞土之牆不可朽也者牆謂牆壁也坊謂坊

坊之使泥之平泥也夫坊墁牆壁若牆壁土堅實者

則易平泥光飾耳若墁於糞土之牆則頽壞不平

故云不可復教譬如爛木與糞牆之不可施功也云於

予與何誅者誅責也言所責者當責有智之人而

今宰予無智則何責乎宰予與語助也言不足

責也即是責之深也然宰我有此失者一家云其

是中人豈得無失一家云與孔子為教故託跡受

責也故珊瑚公曰宰予見時後學之徒將有懈廢

不免乎晝寢之咎以貽朽糞之譏乎時無師徒共
 明勸誘之教故託夫弊跡以為發起也云子曰云
 云者始謂孔子少年時也孔子歎世醜薄之跡今
 異昔也昔時猶可故吾少時聞於人所言便信其
 能有行也故云而信其行也云今吾云者今謂孔
 子未時也云不復聽言信行乃更聽言而必又須觀
 見其行也云於予與改是者是也此也言我所以不
 復聽言信行而更為聽言觀行者起於宰予而改
 為此所以起宰予而改者我當信宰予是勤學之
 人謂必不懶惰今忽正直晝而寢則如此之徒居
 并然不復信於時人也

子曰吾未見剛者或對曰申枨註苞氏曰申枨魯人

心子曰枨也慾焉得剛註孔安國曰慾多情慾也

疏子曰至得剛○云吾未見剛者者剛謂性無慾也
 者也孔子言我未見世有剛性無慾之人也云

或對曰申枨者或有人聞孔子說而答之云魯有
 姓申名枨者其人剛也云子曰枨也慾焉得剛者
 多情慾者必求人求剛人則不得是剛故云焉得剛
 子貢曰我不欲人之加諸我也吾亦欲無加諸人註

馬融曰加陵也子曰賜也非爾所及也註孔安國

曰言不能止人使不加非義於己也疏及也○云

子貢曰云云者子貢自願無世人以非理加陵於
 我也云吾亦欲無加諸人者又云我匪唯願人不
 以非理加於我而我亦願不以非理加於人也
 云子曰賜也非爾所及也者孔子抑子貢也言能
 不招人以非理見及也爾汝也故袁氏曰加此理遠
 非汝分之所能及也爾汝也故袁氏曰加此理遠
 之謂也非無過者何能不加人亦不加己盡得
 賢人也非子貢之分也○**註**孔安國曰至己盡得

能。○然不加人。人不加己。並難可。

子貢曰。夫子之文章。可得而聞也。註章。明也。文彩形。

質著見。可得以下。耳目自脩也。夫子之言。性與天道。

不可得而聞也已矣。註性者。人之所受。以生者也。

天道者。元亨日新之道也。深微故不可得而聞也。

疏子貢曰。至己矣。○云子貢曰云云者。子貢此歎。

鑽仰之。子貢既懸絕。不敢言其高堅。故自說聞於。

典籍而已。文章者。六籍也。六籍是聖人之筌蹄。亦。

無關於魚矣。六籍者。有文字。章著。煥然可見。可修耳。

目。故云。夫子文章。可得而聞也。然典籍著見。可聞。

可觀。今云。不可見。而云。可聞者。夫見之為近。聞之。

為遠。不敢言躬自近見。政欲寄於遠聞之而已。云。

夫子所稟。以生者也。夫子之言。即謂文章之所言也。性。孔。

子所稟。以生者也。夫子之言。即謂文章之所言也。性。孔。

而六籍。乃是人之所見。而六籍所言。之旨。不可得。

其德。致此。所以深遠。非凡人之所知。故其言。不可得。

也。○性者。至深也。○云性者。人之所受。以生者。

道者。元亨日新之道也。元善也。亨通也。日新。謂。

日。日不停。新。新不已也。謂天善道。通利萬物。新。

德也。云深微。故不可得而聞也。與元亨日新之道。合。

言也。故大史叔明云。文章者。六籍是也。性與天道。

如何。注以此。言。之。與。是。夫。子。死。後。七。十。子。性。與。天。道。

思。曩。日。聖。師。平。生。之。德。音。難。可。復。值。六。籍。即。有。性。

與。天。道。但。垂。於。世。者。可。蹤。故。千。載。之。下。可。得。而。聞。

後之言。凡者亦不可聞。何獨聖乎。

子路有聞。未之能行。唯恐有聞。註孔安國曰。前所聞

未能及。得行。故恐後有聞。不得並行也。疏子路有

能行。唯恐有聞。○子路稟性果決。言無宿諾。故前

有所聞。於孔子。即欲修行。若未及能行。則不願更

子貢問曰。孔文子何以謂之文也。註孔安國曰。孔文

子。衛大夫孔叔圉也。文。謚也。子曰。敏而好學。不恥

下問。是以謂之文也。註孔安國曰。敏者識之疾也。

下問。問凡在己下者也。疏子貢問至文也。○云子

叔圉以文為謚。子貢疑其大高。故問於孔子也。問其何德而謚文也。云子曰。云云者。答所以謚文之由也。敏。疾速也。言孔圉之識智疾速。而所以好在學。若有所不知。則不恥諮問。在己下之人。有此諸行。故謂為文也。

子謂子產有君子之道四焉。註孔安國曰。子產。鄭大

夫公孫僑也。其行己也。恭其事上也。敬其養民也。

惠其使民也。義。疏子謂至也。義。云子謂子產有

德。並是君子之道也。云其行己也。恭者。一也。言其

行己。身於世。常恭從。不逆忤人物也。云其事上也。敬者。二也。言若事君親。及凡在己上者。必皆用敬

也。云其養民也。惠者。三也。言其養民。皆用恩惠也。故孔子謂為古之遺愛也。云其使民也。義者。四也。義。宜也。使民不奪農務。各得所宜也。

子曰。晏平仲善與人交。久而人敬之。注周生烈曰。齊

大夫也。晏。姓。平。諡。名。嬰也。疏子曰。至敬之。○云晏

晏平仲。與人結交。有善也。云。久而人敬之者。此善

交之驗也。凡人交。易絕。而平仲交。久而人愈敬之。

也。孫綽曰。交有頃。蓋如舊。亦有白首如新。隆始者

易。克終者。難敦厚不渝。其道可久。所以難也。故仲

尼表焉。子曰。臧文仲居蔡。注苞氏曰。臧文仲。魯大夫。臧孫辰

也。文。諡也。蔡。國君之守龜也。出蔡地。因以為名焉。

長尺有二寸。居蔡僭也。山節藻梲。注苞氏曰。節者

栒也。刻鏤為山也。梲者。梁上楹也。畫為藻文。言其

奢侈也。何如其智也。注孔安國曰。非時人謂以為

智也。子曰。至智也。云。臧文仲居蔡者。居猶畜

卜國之吉。凶大夫以下。不得畜之。文仲是魯大夫

而畜龜。是僭人君禮也。云。山節藻梲者。此奢侈也。

山節者。刻柱頭露節為山。如今拱斗也。藻梲者。畫

梁上。侏儒柱為藻文也。人君居室無此。禮而文仲

為之。故為奢也。天子加飾。士去首。去本。大夫達。稜

諸侯刻。而斲之。宮室之飾。石焉。出穀。梁。傳。云。何如

其智也者。時人皆謂文仲是有智之人。故孔子出

苞氏曰。至僭也。云。蔡國云者。何如其智也。○注

出蔡地。因呼龜為蔡也。云。長尺有二寸者。蔡地既

出。大龜。龜長尺二寸者。因名蔡也。云。居蔡僭也者

大夫亦得。卜用龜之小者。也不得畜蔡也。文仲畜

之。是僭濫也。○苞氏曰。至侈也。○云。節者。栒也。畜

名也云祝者梁上楹也者梁上楹即是櫺櫺即侏儒柱也苞兩而言之當是互明之也刻櫺頭為山也畫櫺身為藻文也又有一本注云山節者刻櫺也此為山也云畫為藻文言其奢侈也者若以注意則此是非僭也正言是奢侈也

子張問曰令尹子文註孔安國曰令尹子文楚大夫

姓鬬名敦字於菟三仕為令尹無喜色三已之無

愠色舊令尹之政必以告新令尹註如也子曰忠

矣曰仁矣乎曰未知焉得仁註孔安國曰但聞其

忠事未知其仁也崔子弑齊君陳文子有馬十乘

棄而違之註孔安國曰皆齊大夫也崔杼作亂陳

文子惡之捐其四十匹馬違而去之也至於他邦

則曰猶吾大夫崔子也違之之至他邦則又曰猶

吾大夫崔子也違之何如子曰清矣曰仁矣乎曰

未知焉得仁註孔安國曰文子避惡逆去無道求

有道當春秋時臣陵其君皆如崔杼無有可止者

也疏子張問至得仁也云子張問曰令尹子文者

文也云三仕為令尹無喜色者文子經仕楚三過

為令尹之官而顏色未嘗喜也云三已之無愠色

者已謂黜止也文子作令尹經三過黜而亦無

愠過被黜每被黜受代之時必以告新令尹者雖

語新入恕其不知解也云何如也者子張問孔子

于更君十子如臣下夫君可子聞得也無言令
時往而乘亦履裁之之上者謂文其謂云喜臨尹
天他已齊霜君害殺下子侃舉未仁仁退以如
下邦云勢匹也十乘四十匹也云棄而違之者
亂至能討故棄四匹者文馬而違去此者
國於他邦則曰猶吾大與齊不異故曰猶
皆惡文子猶吾大馬而違去此者復更至
子棄馬而去復更至者

言言創義政者三

十四

濟寧求顏遊子知未張顏事者猶所復又崔他
世子治氏三平所知又延如子吾至往去子邦
未之不治之去粹以馬問之此張大更一之也而
可能汙其體邦心無借之誠文子潔身者曰清矣
謂愚身清矣而所亞聖之目乎稱其亂不
仁也李謂為未智亦不勝為未知也

論語集注卷之三

十五

○**註**孔安國曰至於菟。楚鬬伯比外家是邠國其還外家通舅女生子既恥之仍遂擲於山草中此女之父獵還見虎乳飲小兒因取養之既未知其姓名楚人謂乳為菟謂虎為於菟音烏塗此兒為虎所乳故名之曰菟於菟也後知其是伯比子故呼為鬬菟於菟也後長大而賢仕楚為令尹之官范甯曰子文是謚也○**捐**捐猶棄放也

季文子三思而後行子聞之曰再思斯可矣**註**鄭玄

曰季文子魯大夫季孫行父也文謚也文子忠而有賢行其舉事寡過不必及三思也

季文子三思而後行者言文子有賢行舉事必三

過思之也云子聞之曰再思斯可矣者孔子美之言若如文子之賢不假三思唯再思此則可也又季彪曰君此也有一通云言再過二思則可也

子之行謀其始思其中慮其終然後允合事機舉無遺筭是以曾子三省其身南容三復白圭天子稱其賢且聖人敬慎於教訓之體但當有重耳固無緣有減損之理也時人稱季孫名過其實故孔子矯之言季孫行事多闕許其再思則可矣無緣乃至三思也此蓋矯抑之談耳非稱美之言也

子曰甯武子**註**馬融曰衛大夫甯俞也武謚也邦有道則智邦無道則愚其智不可及也其愚不可及也

道則智邦無道則愚其智不可及也其愚不可及也

註孔安國曰詳愚似實故曰不可及也

此章美武子德也云邦有道則智者言武子若值邦君有道則肆已智識以贊明時也云邦無道則愚者若值國主無道則卷智藏明詳昏同愚也云其智可及也者是其中人識量當其肆智之日故為世人之可及也云其愚不可及也者時人多術聰明故智識有及於武子者而無敢詳愚隱智如

武子者。故云其愚不可及也。○**註**孔安國曰。至及也。○詳詐也。王朗曰。或曰。詳愚。蓋運智之所得。緣也。○智之為名。止於愚。豈得云同其智。而闕其愚哉。○答曰。智之為名。止於布德尚善。動而不黜者也。愚無預焉。至於詳愚。韜光潛德。怡然無用。支流不同。故其稱亦殊。且智非足者之目。可有雖審其顯。而未盡其愚者矣。孫綽曰。人情莫不好名。雖貴智而賤愚。雖治亂異世。而矜鄙不變。唯深達之士。為能晦智藏名。以全身遠害。飾難也。○成名者。易去。華以保性者。難也。

子在陳曰。歸與歸與。吾黨之小子狂簡。斐然成章。不知所以裁之也。**註**孔安國曰。簡。大也。孔子在陳思歸。欲去。故曰。吾黨之小子狂者。進趨於大道。妄穿鑿。以成文章。不知所以裁制我當歸。以裁制之耳。

遂歸。**疏**孔子在至之也。○云子在陳最久。將欲反魯。故發此辭。再言歸與。歸與者。欲歸之意深也。云吾黨云云者。此是欲歸之辭也。所以不直歸。而必有辭者。客住既久。主人無薄若欲去無辭。則恐主人生愧。故託為此辭。以申客去之有由也。吾黨者。謂我鄉黨中。也。小子者。鄉黨中後生末學之人也。狂者。直進無避者也。簡。大也。謂大道也。斐然。文章貌也。孔子言我所以欲歸者。為我鄉黨中。有諸末學小文章。皆不知其所以正經大道。輒妄穿鑿。斐然以成文章。歸為裁正之也。○**註**自裁斷。此為謬誤之甚。故也。既狂。故取正典穿鑿之也。

子曰。伯夷。叔齊。不念舊惡。怨是用希。**註**孔安國曰。伯夷。叔齊。孤竹君之二子也。孤竹。國名也。**疏**子曰。至夷。叔齊。孤竹君之二子也。孤竹。國名也。

此美夷齊之德也。念猶識錄也。舊惡故憾也。希少也。人若錄於故憾則怨恨更多。唯夷齊豁然忘懷。若人有犯已。已不怨錄之。所以與人怨少也。○
孔安國曰。至名也。○孤竹之國。是殷湯正月三日。丙寅日所封。其子孫相傳。至夷齊之父也。姓墨。台名初。字子朝。伯夷名允。字公信。叔齊名致。字公達。伯夷大而庶。叔齊小而正。父薨。兄弟相讓。不復立也。

子曰。孰謂微生高直。註孔安國曰。微生。姓名。高。魯人

也。或乞醯焉。乞。諸其隣而與之。註孔安國曰。乞。之

四隣以應求者。用意委曲。非為直人也。疏子曰。至

云孰謂微生高直者。于時世人多云。微生高直也。孰。誰也。清直而孔子譏之。故云孰謂微生高直也。孰。誰也。或乞醯焉者。舉微生非直之事也。醯。酢酒也。或人。就微生乞醯者。也。云乞諸其隣而與之者。諸。

之也。時微生家自無醯。而為乞者。就已隣有醯者。乞之。以與。或人也。直人之行。不應委曲。今微生高用。意委曲。故譏其非直也。○註四

子曰。巧言令色足恭。註孔安國曰。足恭。便僻之貌也。

左丘明恥之。丘亦恥之。註孔安國曰。左丘明。魯大

史也。匿怨而友其人。註孔安國曰。心內相怨。而外

詐親也。左丘明恥之。丘亦恥之。疏子曰。至恥之。○

恭者。謂已用恭情少。而為巧言令色足恭之者。也。繆協曰。恭者。從物。凡人近情。莫不欲人之從已。足恭者。以恭足於人。意而不合於禮度。斯皆適人之適。而曲媚於物也。云左丘明恥之。丘亦恥之者。左丘明。受春秋於仲尼者也。其既良直。故凡有可恥之事。而仲尼皆從之。為恥也。巧言令色足恭。是可

恥之事也。云匿怨而友其人者。匿藏也。謂心藏怨而外詐相親友者也。云左丘明恥之丘亦恥之者。亦從丘明言曰。友而不心。面友也。亦丘明之所恥。揚子法言曰。友而不心。面友也。亦丘明之所恥。

顏淵季路侍。子曰。盍各言爾志。子路曰。願車馬衣輕

裘。與朋友共。弊之而無憾。註孔安國曰。憾。恨也。顏

淵曰。願無伐善。註孔安國曰。自無稱己之善也。無

施勞。註孔安國曰。無以勞事置施於人也。子路曰。

願聞子之志。子曰。老者安之。朋友信之。少者懷之。

註孔安國曰。懷。安也。疏顏淵至懷之。云顏淵季

第是季侍。侍孔子。卑在尊側曰侍也。云子曰盍各言爾志者。盍。何不也。孔子詰顏路曰。汝二人何不

各言汝心中所思乎。云子路曰。云云者。弊也。憾。恨也。無所憾。恨也。一家通云。而無憾者。言願我既來服朋友衣馬。而不慚憾也。故殷仲堪曰。施而六。士之近行也。若乃用人之財。不覺非已。推誠聞往。感思不生。斯乃交友之至。仲由之忘與也。云顏淵曰。願無伐善者。有善而自稱曰伐善也。顏淵所願。已行善而不自稱。欲潛行。而百姓日用而不知。也。季充曰。自伐者無功。自矜者不莊。云無施勞者。又願不施勞役之事於天下也。故鑄劍戟為農器。使子貢無施其辨。子路無厲其勇也。云子路曰。願聞子之志者。二子說志既竟。而子路又云。願聞孔子志也。古稱師曰子。說志既竟。而子路又云。願聞孔子志也。為老人必見撫安。朋友必見期信。少者必見思懷也。若老人安已。已必是孝敬。故也。朋友信已。已必是無欺。故也。少者懷已。已必有慈惠。故也。樂善誘故。可懷也。

子曰。已矣乎。吾未見能見其過而內自訟者也。註苞氏曰。訟猶責也。言人有過莫能自責者也。疏子曰。也。已。止也。止矣乎者。歎此以下事久已無也。訟猶責也。言我未見人能自見其所行事有過失而內自責者也。

子曰。十室之邑。必有忠信如丘者焉。不如丘之好學也。

疏子曰。至學也。○丘。孔子名也。孔子自稱名。言十室為邑。其中必有忠信如丘者焉。但無如丘之好學耳。孫綽曰。夫忠信之行。中人所能存。全雖聖人無以加也。學而為人。未足稱也。好之至者。必鑽仰不怠。故曰。有顏回者。好學。今則必云。十室之學。不逮於已。又曰。我非生而知之。好古敏而求耳。此皆陳深崇於教。以盡汲引之道也。一家云。十室中若有忠信如丘者。則其餘引之。道也。如丘

之好學也。言今不好學。不忠信耳。故衛瓘曰。所以忠信不如丘者。由不能好學如丘耳。苟能好學。則其忠信可也。

論語雍也第六 疏 雍。孔子弟子也。明其才堪南面。

無橫罪。亦是不遇之流。橫罪為切。故公冶前明而雍也為次也。

子曰。雍也可使南面。註苞氏曰。可使南面者。言任諸

侯。可使治國政也。疏子曰。雍也可使南面。○南面。謂為諸侯也。孔子言冉雍之

德。可使為諸侯也。

仲弓問子桑伯子。註王肅曰。伯子。書傳無見也。子曰。

可也簡。註以其能簡。故曰可也。仲弓曰。居敬而行

簡以臨其民。不亦可乎。註孔安國曰：居身敬肅臨

下寬畧則可也。居簡而行簡無乃大簡乎。註苞氏

曰：伯子之簡大簡也。子曰：雍之言然。疏仲弓問至

人各子問子桑伯子。此是仲弓即冉雍也。問孔子曰：有

猶可謂也。簡謂疎大無細行也。孔子答曰：伯子之

身所行可謂疎簡也。云仲弓曰：云者孔子答曰：伯子之

伯子所行可謂疎簡也。故仲弓更諮孔子。評伯子之

簡不合禮也。將說其簡不合於禮。故此先說於合

禮之簡也。言人若居身有敬而寬簡以臨下民能

如此者乃為合禮。故云不亦可乎。言其可也。云居

簡而以簡自居。又行簡對物。物皆無敬而簡如此

不乃大簡乎。言其簡過甚也。云子曰：雍之言然者

雍論簡既是故孔子然許之也。虞喜曰：雍之言然者

子見伯子。伯子不衣冠而處。弟子曰：夫子何為見

此人乎。曰：其質美而無文繁。吾欲說而文之。孔子

去。子桑伯子門人不悅。曰：何為見孔子乎。曰：其質

美而文繁。吾欲說而去其文。故曰：文質修者謂之

君子。有質而無文。謂之易野。子桑伯子易野。欲同

人道於牛馬。故仲尼曰：大簡無文繁。吾欲說而文

之。○註王肅曰：伯子書傳無見也。○言書傳不見

有子桑伯子也。○註以其能簡故曰可也。○言伯

子能為簡畧之行。故云可也。

哀公問曰：弟子孰為好學。孔子對曰：有顏回者好學

不遷怒。不貳過。不幸短命死矣。今也則亡。未聞好

善未嘗復行也

疏

哀公問至者也。云哀公問孔子

諸弟子之中誰為好學者。云孔子對曰有顏回者

好學者。答曰弟子之中唯顏回好學。云不遷怒

者。此舉顏淵好學。唯顏回所得之功也。凡夫識昧有

所瞋怒。不當道理。唯顏回學至庶幾。而行藏同於

孔子。故識照以道。怒不乖中。故云不遷。猶移也。

非已所得。故於已成過。凡情有過。必知。是為不再過。

而回當機時。不見已。乃有過。機後即知。知則不復

幾乎。有不善。未嘗不知。知之未嘗復行。是也。然學

至庶幾。其美非一。今獨舉怒過二條者。蓋有以也。

為當時哀公濫怒。而欲因答寄箴者。也。云不幸

短命。死矣者。凡應死而生。曰幸。應生而死。曰不幸。

若顏子之德。非應死而今死。故曰不幸。也。命者稟

天所得。以生。如受天教。命也。天何言哉。設言之耳。

但命有短長。顏生所得短者也。不幸而死。由於短

命。故曰不幸。短命死矣。云今也。則凶者。凶。無也。言

顏淵既已死。則無復好學者也。然游夏非體之人。不

能庶幾。尚有遷。有貳。非關獎予。唯顏生鄰亞。故曰

無也。云未聞好學者也。者。好學庶幾。曠世唯一。此

士。難重得。故曰未聞也。○**註**凡人至行也。云凡

人任情。喜怒違理者。未得坐忘。故任情不能無偏。

故違理也。云顏淵任道。怒不過分者。過猶失也。顏

子與道同行。捨不自任。已。故曰任道也。以道照物。

物豈逃形。應可怒者。皆得其實。故無失分也。云遷

而怒之。不怒當其理。不移易也。者。照之。故當理。當理

也。者。即用易繫為解也。未嘗復行。謂不文飾也。

子華使於齊。冉子為其母請粟。子曰。與之釜。**註**馬融

曰。子華。弟子公西華。赤字也。六斗四升。曰釜也。請

益曰與之庾註苞氏曰十六斗為庾也冉子與之粟五秉註馬融曰十六斛為秉五秉合八十斛也子曰赤之適齊也乘肥馬衣輕裘吾聞之也君子周急不繼富註鄭玄曰非冉求與之太多也

使至繼富○云子華使於齊者子華弟子公西赤字也姓公西名赤有容儀故為使往齊國也但不

知時為魯君之使為孔子之使耳云冉子為其母請粟者冉子冉求也其母子華母也請粟就孔子

請粟也時子華既出使而母在家冉有由朋友之情故為子華之母就孔子請粟也

者孔子得冉求之請故命與粟一釜釜容六斗四升也云請益者冉求嫌一釜之少故更就孔子請益也云曰與之庾者冉求既請益故孔子與之庾也庾十六斗也然初請唯得六斗四升請益而

得十六斗是益多於初如為不次政恐益足前釜以成十六斗也云冉子與之粟五秉者十六斛曰秉五秉八十斛與之也孔子與粟既竟故冉子又自以已粟八十斛與之也云子曰赤之適齊也乘肥馬衣輕裘者孔子說我所以與少又說冉求不應與多意也肥馬馬之食穀者輕裘裘之皮精毛軟及新綿為著者也若家貧則馬不食穀而瘦裘用鹿皮毛強而故絮為著縕袍是也今子華往使於齊去時所乘馬肥其所衣裘輕軟則是家富其母不之也云吾聞之也君子周急不繼富者孔子曰吾聞舊語夫君子施但周贍人之急者耳不係繼足人為富蓄也君子施六斗四升曰釜也春秋傳昭公三年冬晏子曰齊舊四量豆四升為豆四升為豆如馬注也若鐘則六斛四斗也

氏注國語同而不合周禮周禮旒人職云豆實三

而成穀。鄭云：豆實四升，則穀實一斗二升也。又陶人職云：庾實二穀，案如陶旋二文，則庾二斗四升矣。而苞氏注曰：十六斗為庾，即是聘禮之數也。聘禮十六斗，曰籩，不知苞賈當別有所出耳。○馬注：聘禮之融曰斛，十六斛為東五秉，合八十斛也。○馬注：與聘禮之籩同也。○鄭玄曰：非冉求與之太多也。○非猶譏也。孔子此語是譏冉求與子華母粟之太多也。然舊說疑之，子華肥輕，則為不孝。孔子不為當定不之若實之，而子華肥輕，則為不孝。孔子不為當定不之若仁者云：三人皆得宜也。子華中人，豈容已乘得失舊通者云：三人皆得宜也。子華中人，豈容已乘得失舊通輕裘而令母之，必不能然矣。且夫子明言不繼富，則知其家富也。實富而冉求為請，與多者，明朋友之親，有同己親，既一人不在，則一人宜相共恤，故也。今不先直以已粟與之，而先請於孔子者，已若直與，則人嫌子華母有之，故先請於孔子者，已若猶不至多，明不繼富也。已故多與，欲招孔子，孔子再與。

責是知華母不之也。華母不之，而已與之。為於朋友之義，故也不之尚與。况之者，也。

原思為之宰。註苞氏曰：弟子原憲也。思，字也。孔子為

魯司寇，以原憲為家邑宰也。與之粟九百。註孔

安國曰：九百，九百斗也。辭讓不受也。子曰：毋。註孔

安國曰：祿法所當受，無以讓也。以與爾鄰里鄉黨

乎。註鄭玄曰：五家為鄰，五鄰為里，萬二千五百家

為鄉。五百家為黨也。原思至黨乎。○云原思為

魯司寇，有采邑，故使原思為邑宰也。云與之粟九百者，九百斗也。原憲既為邑宰，邑宰宜得祿，故孔子以粟九百與之也。云辭者，原性廉讓，辭不受粟也。云子曰：毋者，原辭不肯受，故孔子止之。

也。毋。毋。辭也。云以與爾鄰里鄉黨乎者。又恐原憲不肯受。故又說云。汝莫辭。但受之。若無用。當還。分與爾鄰里鄉黨也。此是示賢人仕官。潤澤川鄉之教也。云鄰里鄉黨者。內外互言之耳。鄰里在百里之外。鄉黨在百里之內也。○**註**孔子為魯司寇。○余見鄭注。本云。孔子初仕魯。為中都宰。從中都宰。為司空。從司空。為司寇也。○**註**孔安國曰。九百九斗也。○漫云。九百。而孔必知九百斗者。孔政當嫌九百升為少。九百斛為多。故應是斗也。宜與粟五秉亦相類也。

子謂仲弓曰。犁牛之子騂且角。雖欲勿用。山川其舍諸。

註犁。雜文也。騂。赤色也。角者。角周正中犧性也。雖欲以其所生。犁而不用。山川寧肯舍之乎。言父雖不善。不害於其子之美也。**疏**子謂至舍諸。○此

廢子之賢也。云子謂仲弓者。仲弓父劣。當是于時。為仲弓父劣。而不用仲弓。故孔子明言之也。范甯曰。謂非必對言也。云曰犁牛之子騂且角者。為設譬也。犁。文也。雜文曰犁。或音狸。狸。雜文也。或音梨。犁。謂耕犁也。騂。赤色也。周家所貴也。角。角周正長。短。尺寸合禮也。言假令犁牛而生好。子色角合禮也。云雖欲勿用。山川其舍諸者。勿猶不也。舍猶弃也。言犁牛生好。子既色角。悉正。而時人或言此牛。則山川百神。豈薄此牛。而棄之。賢其子。遂不飲饗此祭乎。必不吝矣。譬如仲弓之賢。其父雖劣。若遭明王聖主。豈為仲弓父劣。而舍仲弓之賢。不用為諸侯乎。明必用也。故蘇則殛死。禹乃嗣興。是用案周禮。牧人職云。凡陽祀。用騂牲。毛之。陰祀。用黝牲。毛之。望祀。各以其方之色牲。毛之。鄭云。陽祀。祭天於南郊。及宗廟也。陰祀。祭地於北郊。及社稷也。望祀。五嶽四鎮四瀆也。然今云山川者。趣舉言之也。若南方則用赤。是其方色也。且既云山川則

南五言集解卷之三 二十四

宗廟亦可知亦互言之也

子曰。回也。其心三月不違仁。其餘則日月至焉而已

矣。（註）言餘人暫有至仁時。唯回移時而不變也。

（疏）

子曰。至已矣。云回也。其心三月不違仁者。仁是行盛。非體仁。則不能。不能者。心必違之。能不違者。唯顏回耳。既不違。則應終身而止。舉三月者。三月一時。為天氣一變。一變尚能行之。則他時能可知也。亦欲引汲。故不言多時也。故苞述云。顏子不違仁。豈但一時。將以勗群子之志。故不絕其階耳。云其餘則日月至焉而已矣者。其餘。謂他弟子也。為仁並不能一時。或至一月。或至一月。故云日月至焉而已矣。云言餘至變也。既言三月不違。不違。故知移時也。

季康子問。仲由可使從政也與。子曰。由也果。（註）苞氏

曰。果。謂果敢決斷也。於從政乎何有。曰。賜也。可使

從政也與。子曰。賜也。達。（註）孔安國曰。達。謂通於物

理也。於從政乎何有。曰。求也。可使從政也與。子曰。

求也。藝。（註）孔安國曰。藝。謂多才也。於從政乎何

有。（疏）季康子問。至何有。云季康子問。仲由可使

從政也與者。仲由。子路也。魯卿季康子問。孔

子曰。子路可使從政。為官長。諸侯不也。云子曰。由

也。果者。答康子說。子路才行。可為政也。言子路才

性果敢。能決斷也。云於從政乎何有者。既解決斷

則必能從政也。何有。言不足有也。故衛瓘曰。何有

者。有餘力也。云曰。賜也。可使從政也與者。又問孔

子曰。子貢可使從政不也。云子曰。賜也。達者。亦答

才能也。言賜能達於物理也。云於從政乎何有者

與者又問孔子曰冉求何如云子曰求也藝者又
答才能也言求多才能也云於從政乎何有者有
才能故亦云何有也

季氏使閔子騫為費宰註孔安國曰費季氏邑也李

氏不臣而其邑宰數叛聞閔子騫賢故欲用也閔

子騫曰善為我辭焉註孔安國曰不欲為季氏宰

語使者曰善為我作辭說令不復召我也如有復

我者註孔安國曰復我者重來召我也則吾必在

汶上矣註孔安國曰去之汶水上欲北如齊也

季氏至上矣云季氏使閔子騫為費宰者弟子
閔損也費季氏采邑也時季氏邑宰叛聞閔子騫

賁故遣使召之為費宰也云閔子騫曰善為我辭
焉者子騫賢不願與惡人為宰故謂季氏之使者
曰汝還可善好為我作辭辭於季氏道我不欲為
宰之意也云如有復我者復又也子騫曰汝若
不能為我作善辭而令有使又來召我者語在丁
也云則吾必在汶上矣者汶水名也在魯北濟南
子騫時在魯謂使者云若又來召我我當北渡汶
水之上往入齊也註孔安國曰至數叛云季
氏不臣者強脅於魯故曰不臣也云而其邑宰數
叛者其邑宰即公山弗擾也亦賢人也見季氏惡
故叛也所以後引云公山弗
擾以費叛召子欲往是也

伯牛有疾註馬融曰伯牛弟子冉耕也子問之自牖

執其手註苞氏曰牛有惡疾不欲見人故孔子從

牖執其手也曰亡之註孔安國曰亡喪也疾甚故

持其手曰喪也命矣夫斯人也而有斯疾也斯人也而有斯疾也註苞氏曰再言之者痛惜之甚也

疏伯牛至疾也○云伯牛有疾者伯牛弟子冉耕字也魯人有疾有惡疾也云子問之者孔子往

問伯牛之疾差不也云自牖執其手者牖南窓也君子有疾寐於比壁下東首今師來故遷出南窓

下亦東首命師從戶入於床比得面南也孔子恐其惡疾不欲見人故不入戶但於窓上而執其手

也云曰比之者比喪也孔子執牛手而曰喪之言牛必死也云命矣夫者亦是不幸之流也言如汝

才德實不應死而今喪之豈非稟命之得矣夫嬰助語也云斯人云云者斯此也言有此善人而嬰

也此惡疾疾與人反故歎之也再言之者痛惜之深也

子曰賢哉回也一簞食一瓢飲註孔安國曰簞筥也

瓢瓠也。在陋巷。人不堪其憂。回不改其樂。賢哉回也。註孔安國曰。顏淵樂道。雖簞食。在陋巷。不改其所樂也。疏子曰。至回也。云賢哉回也者。美顏淵之賢行。故先言賢哉回也。云一簞食。一瓢飲者。簞。竹筥之屬也。用貯飯。瓢。瓠片也。匏。持盛飲也。言顏淵食不重餽。及無雕鏤之器。唯有

一簞食。一瓢飲而已也。云在陋巷者。不願來端而居處之在窮陋之巷中也。云人不堪其憂者。凡人

以此為憂。而不能處。故云不堪其憂也。云回也不改其樂者。顏回以此為樂。久而不變。故云不改其

樂也。云賢哉回也者。美其樂道情篤。故始末言賢也。○孔安國曰。簞筥也。○以竹為之。如箱篋之

屬也。○所樂。則謂道也。

冉求曰。非不悅。子之道力不足也。子曰。力不足者。中

冉求曰。非不悅。子之道力不足也。子曰。力不足者。中

論語集解卷之三 二十七

道而廢。今汝畫。註孔安國曰。畫。止也。力不足者。當

疏

冉求曰。至汝

中道而廢。今汝自止耳。非力極也。疏冉求曰。至汝
曰。非不悅。子之道力不足也。者。冉求。諸孔子曰。求
之心。誠非不喜悅。夫子之道。而欲行之。只才力不
足。無如之何也。云子曰。力不足者。中道而廢者。孔
子抑冉求。無企慕之心也。言汝但學不行之矣。若
能行之。而力不足者。當中道而廢耳。莫發初自誠不
能行也。云今汝畫者。畫。止也。汝今云。力不足矣。是
汝自欲
止耳。

子謂子夏曰。汝為君子儒。無為小人儒。註馬融曰。君
子為儒。將以明其道。小人為儒。則矜其名也。疏謂子

至人儒。○儒者。濡也。夫習學事久。則濡潤身中。故
謂久習者為儒也。但君子所習者。道道是君子儒。
小人為儒。則矜其名也。

子游為武城宰。註苞氏曰。武城。魯下邑也。子曰。汝得

人焉耳乎哉。註孔安國曰。焉耳乎哉。皆辭也。曰。有

澹臺滅明者。行不由徑。非公事。未嘗至於偃之室

也。註苞氏曰。澹臺。姓。滅明。名也。字。子羽。言其公且

方也。疏子游至室也。○云子游為武城宰者。子游

汝得人焉耳乎哉者。孔子問子游。言汝作武城宰。
而武城邑民。有好德行之人。為汝所得者。不乎。故
云。汝得人焉耳乎哉。故袁氏云。謂得其邦之賢才
不也。云曰。有澹臺滅明者。行不由徑者。答為宰而
所得邑中之人也。澹臺。滅明。亦孔子弟子也。言滅
明。每事方正。故行出皆不邪徑。於小路也。一云。滅

子游至室也。○云子游為武城宰者。子游

明德行方正。不為邪徑小路行也。云非公事未嘗至於偃之室也者。公事。其家課稅也。偃。子游名也。偃之室。謂子游所住之邑之廨舍也。子游又言滅明也。舉其明不託狎倚勢於朋友也。既方正。若非常公稅之事。則不嘗無事至偃住處也。舉其明不託狎倚勢於朋友也。辭也。孔安國曰。馬耳乎哉。皆辭也。○皆是送句之辭也。○苞氏曰。不至偃室。方謂不由徑。

子曰。孟之反不伐。註孔安國曰。魯大夫孟之側也。與

齊戰。軍大敗。不伐者。不自伐其功也。奔而殿。將入

門。策其馬曰。非敢後也。馬不進也。註馬融曰。殿在

軍後者也。前曰啓。後曰殿。孟之反賢而有勇。軍大

奔。獨在後為殿。人迎為功之。不欲獨有其名。故云。

我非敢在後。距敵也。馬不能前進耳。子曰。至進

之反不伐者。魯臣也不伐。謂有功不自稱也。云奔

而殿者。此不伐之事也。軍前曰啓。軍後曰殿。于時

魯與齊戰。魯軍大敗。退奔而孟之側獨住軍後為

殿。以捍衛奔者。故曰奔而殿也。云將入門策其馬

者。門。魯國門也。策。杖也。初敗奔時在郊。去國門遠

孟之側在後。及還將至入國門。而孟之側杖馬。合

在奔者前也。然六籍唯用馬乘車。無騎馬之文。唯

曲禮云。前有車騎。是騎馬耳。今云策其馬。不知為

騎馬。為乘車也。云曰非敢後也。馬不進也者。其既

在後。而國人皆迎之。謂已有功。已不欲獨受其功。

故將入門。杖馬而云。我非敢在後。距敵。政是馬行

不進。故在後耳。所以杖馬。示馬從來不進也。○

孔安國曰。至功也。○此不伐之源。魯哀公十一年。魯師及齊師戰于郊之事也。見春秋傳也。余見鄭注本。姓孟名之側。字之反也。○馬融曰。至進耳。○云孟之反賢而有勇。軍大奔。獨在後為殿者。故停

論語集解卷之三

軍後為捍敵也。云人迎為功之者在國人迎軍。見其在後而謂為之有功。故云功之也。云馬不能前進耳者前猶進也。

子曰不有祝鮀之佞而有宋朝之美難手免於今之

世矣。註孔安國曰佞口才也祝鮀衛大夫名子魚

也時世貴之宋朝宋國之美人也而善淫言當如

祝鮀之佞而反如宋朝之美難矣免於今世之害

也。註子曰至世矣。祝鮀能作佞也宋朝宋國之

二人並有其事故得寵幸而免患難故孔子曰言

於靈公今世之患難也故范甯曰祝鮀以佞諂被寵

取容孔子惡時民濁亂唯佞色是尚忠正之人不容其身故發難乎之談將以激亂俗亦欲發明君子全身遠害也。註孔安國曰至害也。云時世貴之者貴其能佞也。云宋朝宋國之美人也而善淫者于時在衛通靈公夫人南子也。云及如宋朝之美者一本云反如宋朝之美也通者云佞與淫異。故云

子曰誰能出不由戶者何莫由斯道也。註孔安國曰

言人之立身成功當由道譬猶人出入要當從戶

也。註子曰至道也。道先王之道也人生得在世

故孔子為譬以示解時惑也言人之在室出入由

戶而通亦如在世由道而理而生而人皆知由室由

斯道也未知莫無也斯此也故范甯云人咸知由戶而

行。莫知由學而成也。

子曰。質勝文則野。註苞氏曰。野如野人言。鄙畧也。文

勝質則史。註苞氏曰。史者文多而質少也。文質彬彬

然。後君子。註苞氏曰。彬彬。文質相半之貌也。

子曰。至君子。云質勝文則野者。謂凡行禮及言

語之儀也。質實也。勝多也。文華也。言若實多而文

飾少。則如野人。鄙畧大樸也。云文勝質則史

者。史記書史也。史書多虛華無實。妄語欺詐。言人

若為事多飾少實。則如書史也。云文質彬彬。然後

君子者。彬彬。文質相半也。若文與質等半。則為會

時之君

子曰。人生也直。註馬融曰。言人之所以生於世而自

終者。以其正直之道也。罔之生也幸而免。註苞氏

曰。誣罔。正直之道。而亦生。是幸而免也。

云人生也直者。言人得全生居世者。必由直。行故

也。故李充曰。人生之道。唯其身直乎。云罔之生也

幸而免者。罔謂為邪曲。誣罔者也。應死而生曰幸

子曰。知之者不如好之者。好之者不如樂之者。註苞

氏曰。學問知之者。不如好之者。篤好之者。又不如

樂之者。深也。子曰。至樂之者。云知之者不如

好之者者。謂學者深淺也。知之。謂

知學問有益者也好之謂欲好學之以為好者也
夫知有益而學之則不如欲學之以為好者故
李充曰雖知學之為益或有計而後知學利在其
中故不如好之者篤也云好之者不如性歡而樂之者
樂謂歡樂在其中也好有盈厭故好有盛衰不如樂之如
顏淵樂在其中也故李充曰好有盛衰不如樂之如
者深也

子曰中人以上可以語上也中人以下不可以語上也

也註王肅曰上謂上智之人所知也兩舉中人以其

其可上可下也疏子曰至上也○此謂為教化法

三謂上中下也細而分之則有九也上有上中下
下也凡有九品上不移亦是聖人而不可教者謂
下則是愚人愚人不須教也而不可教者謂

上中以下下中以上凡七品之人也今云中人以下不
上可以語上也即以上道語於上也中人以下不
可以語上也雖不可語上也猶可語之前也聖人無須於
下何者夫教之為法恒導引分前也聖人無須於
教則中人以上可以語也又顏之道可以教中
品之上此則中人以上亦可語也又中道之中品之
教中人亦可以語也又中道之中品之教中人亦可以
下品之上斯即中人以下可以語也又中道之中品之
上道教下品之上斯即中人以下可以語也又中道之
云中道教下品之上斯即中人以下可以語也又中道之
第五為正中人也以下即六七八也以上即九品則
二也○王肅曰至可也○云上謂上智之人所
知其者可謂聖人之道可教顏閔者也云兩舉中
以其可上可下也者若分九品則第五以上可以
語上第五以下不可語上而復云中人以下是再舉
以語上第五以下不可語上而復云中人以下是再舉

中人也。所以爾者，明中人之大分，有可上可下也。若中人之上，可以語上；中人之下，不可語上。故再言中人也。又一云：中人若遇善師，則可上；若遇惡人，則可下。故再舉中人，明可上可下也。

樊遲問：智子曰：務民之義。註：王肅曰：務所以化道。民

之義也。敬鬼神而遠之，可謂智矣。註：苞氏曰：敬，鬼

神而不瀆也。問：仁子曰：仁者先難而後獲，可謂仁

矣。註：孔安國曰：先勞苦，乃後得功，此所以為仁也。

疏：樊遲問至仁矣。云：樊遲問智者，問孔子為智

務在化導民之義也。云：敬鬼神而遠之者，鬼神不可慢，故曰敬鬼神也。可敬不可近，故宜遠之也。云：可謂智矣者，如上二事，則可為智也。云：問仁者，樊遲又問為仁也。云：子曰云云者，獲得也。言臣必先

歷為難事而後乃可得祿受報，則是仁也。若不先勞事而食，則為不仁。故范甯曰：艱難之事，則為物先獲功之事，而處物後，則為仁矣。註：苞氏曰：敬鬼神而不瀆也。瀆，猶數也。也。

子曰：智者樂水。註：苞氏曰：智者樂運其才智以治世

如水流而不知己也。仁者樂山。註：仁者樂如山之

安固，自然不動，而萬物生焉。智者動。註：苞氏曰：自

進故動也。仁者靜。註：孔安國曰：無欲故靜也。智者

樂。註：鄭玄曰：智者自役得其志，故樂也。仁者壽。註

苞氏曰：性靜故壽考也。疏：子曰：至者壽。陸特進

凡分為三段，自智者樂水、仁者樂山為第一，明智仁之用，先

既仁之性。性必有功。己有用也。又智者樂仁者壽。為第三。明
 第一。明智。仁之性。此明性也。智者識用之義也。今
 樂者。貪樂之稱也。水者。流動不息。故樂水也。云仁者樂
 運其智。化物如流水之性。仁者。惻隱之義。山者。不動
 山者。此即明仁者之性。願四方安靜。如山之不動。故云
 樂山也。云智。動者。此第二。明用也。智者。何故如
 水耶。政自欲動。進其識。故云。智者。靜故也。云仁者。靜
 者。仁者。何故如山耶。其心寧靜。故也。云智者。樂者
 第。三。明功也。樂。懼也。智者。得運其識。故得從心而
 暢。故懼樂也。云仁者。壽者。性靜如山之安固。故壽
 考也。然則仁既壽。不樂而智
 樂不必壽。緣所役用多故也。

子曰。齊一變。至於魯。魯一變。至於道。註苞氏曰。言齊
 魯有太公周公之餘化也。太公大賢。周公聖人。今

其政教雖衰。若有明君興之者。齊可使如魯。魯可
 使如大道行之時也。註子曰。至於道。太公封於
 於曲阜之地。為魯國。周公大聖。太公太賢。賢聖既
 有優劣。雖同致太平。而其化不得。微異。故未代
 二國。齊有景公之昏闇。魯有定公之寡德。然其國
 猶有望。且之遺風。故禮記云。孔子曰。吾捨魯何適
 耶。明魯猶勝餘國也。今孔子歎其君之並惡。故有
 此言也。言若齊有明君一變。便得如魯。太平之日
 魯有明君一變。便得如大道之時也。此是引汲之教
 耳。實理則不然矣。若明君興之。政當得各如其初
 何容得還。淳反本耶。

子曰。觚不觚。註馬融曰。觚。禮器也。一升曰爵。二升曰
 觚也。觚哉。觚哉。註觚哉。觚哉。言非觚也。以喻為政

不得其道，則不成也。疏子曰：至觶哉。禮酒器也。禮云：觶酌

酒一獻之禮。賓主百拜。此則明有觶之用也。當于

爾時用觶酌酒而沈。酒無度。故孔子曰：觶不觶也。

故王肅曰：酒之亂德。自古所患。故禮說三爵之制

也。蔡謨曰：酒之亂德。自古所患。故禮說三爵之制

尚書著明酒誥之篇。易有需首之戒。詩列賓筵之

刺。皆所以防沈湎。王氏之說是也。觶失其禮。故曰

觶不觶。猶言君臣不君臣耳。云觶哉。觶哉者。言用

觶之失道也。故重曰：觶哉。觶哉。亦得同王蔡

之釋也。云以喻為政。不得其道。則不成也。者。如何

此注。則與王蔡小異也。何意言用觶。不得其道。則

非復觶德。譬如人所為。不得其道。則事亦不成。

也。若欲知氣味。何說則特前觶不觶。如王蔡之釋

後云：觶哉。觶哉。自因前以寄後。喻事不乖。王蔡而

有兼得之美也。故褚仲都曰：作觶而不用觶法。觶

終不成。猶為政而不用政法。豈成哉。疾世為政不

再言焉。故

宰我問曰：仁者雖告之曰：井有仁者焉，其從之與？註

孔安國曰：宰我以為仁者必濟人於患難。故問有

仁人墮井。將自投下。從而出之否乎。欲極觀仁人

憂樂之所至也。子曰：何為其然也。君子可逝也。不

可陷也。註苞氏曰：逝。往也。言君子可使往視之耳

不肯自投。救之。也可欺也。不可罔也。註馬融曰：可

欺者。可使往也。不可罔者。不可得認罔。令自投下

疏

宰我問至罔也。云宰我問云云者。宰我欲

極觀仁者之懷。故假斯以問也。言有人告於

仁者云。彼處有仁者墮井。而仁者常救人於急難。當自投入井。救取之不耶。云子曰。何為其然也。者。審有人墮井。當為方計。出之。豈容自投從之。云。君子可逝也。不可陷也。不可入也。不可近也。云。聞有人墮井。乃可往看之耳。不遂投井取之也。云。可欺也。不可罔也。者。欺者。謂遙相語也。罔者。謂面相誣也。初彼來見告云。井中有仁人。我往視之。是可欺也。既至井。實無人。不可受通。而自投入井。是不可罔也。或問曰。仁人救物。一切無偏。何不入井。云。井中有人。而必云有仁者。若唯救仁者。則非仁人墮井。則仁人所不救乎。答曰。仁者能好人。能惡人。其雖則隱濟物。若聞惡人墮井。亦不往也。又李充曰。欲極言仁。設云救井為仁。便當從不往耶。故夫子答云。欲何為其然也。言何至如此。是君子之人。若於道理宜爾。身猶可亡。故云可逝。逝。往也。若理有不可。不詐。陷於不知。故云大德居正。故不投。可以非道罔也。

子曰。君子博學於文。約之以禮。亦可以弗畔矣夫。註

鄭玄曰。弗畔。不違道也。疏子曰。至矣夫。博。廣也。君子廣學六籍之文。又用禮自約束。能如此者。亦可得不違背於道理也。

子見南子。子路不悅。夫子矢之曰。予所否者。天厭之。

天厭之。註孔安國曰。等以為南子者。衛靈公夫人也。淫亂而靈公惑之。孔子見之者。欲因以說靈公。

使行浴道也。矢。誓也。子路不悅。故夫子誓之。曰。行

道既非婦人之事。而弟子不悅。與之呪誓。義可疑

也。疏子見至厭之。云。子見南子者。南子。衛靈公

也。夫人也。淫亂而孔子入衛欲與之相見也。所

論語集注卷之三

以欲相見者。靈公唯婦言是用孔子欲因南子說
 靈公使行正道也。故繆播曰：應物而不擇者，道也。
 兼濟而不辭者，聖也。靈公無道，燕庶困窮，鍾救於
 夫子。物因不辭，不可以不救。理鍾不可以不應，救之
 道。必明有路，由南子。故尼父見之，淫而不緇，則
 處污不辱，無可無不可。故兼濟而不辭，以道觀之。
 未有可猜也。云子路不悅者，子路于時隨夫子在
 衛，見夫子與淫亂婦人相見，故不悅也。繆播曰：賢
 者守節，怪之宜也。或以發孔子之答，以曉衆也。
 王弼曰：案本傳，孔子不得已而見南子，猶文王拘
 美里，蓋天命之窮會也。子路以君子宜防患辱，是
 以不悅也。云夫子云者，矢誓也。予我，也。否，不也。
 厭，塞也。子路既不悅，而孔子與之咒誓也。言我見
 南子，若不體聖而不為聖者之事，天當厭塞我道也。
 繆播曰：見
 耶，王弼曰：否，泰有命。我之所屈，不用於世者，乃天
 命。厭之，言非人事所免也。重言之者，所以誓其言
 也。蔡謨曰：矢，陳也。尚書叙曰：皋陶矢厥謀也。春秋

經曰：公矢魚于棠，皆是也。夫子為子路矣。陳天命
 非誓也。李充曰：男女之別，國之大節。聖人明義教，
 正內外者也。而乃廢常禮，見淫亂之婦人者，必
 以權道有由，而然子路不悅，固其宜也。夫道消運
 否，則聖人亦否。故曰：予所否者，天厭之。天厭之，厭
 亦否也。明聖人與天地同其否泰耳。豈區區自明
 於子路而已。

子曰：中庸之為德也，其至矣乎！民鮮久矣。註庸，常也。

中和可常行之德也。世亂先王之道廢，民鮮能行

此道久矣。非適今也。疏子曰：至久矣。○中，中和也。

常行之德是先王之道。其理甚至善而
 民少有行此者也已。久，言可歎之深也。

子貢曰：如能博施於民而能濟衆者，何如？可謂仁乎？

子曰何事於仁必也聖乎堯舜其猶病諸註孔安國曰若能廣施恩惠濟民於患難堯舜至聖猶病其難也夫仁者已欲立而立人已欲達而達人能近取譬可謂仁之方也已註孔安國曰更為子貢說仁者之行也方道也但能近取譬於已皆怨已所不欲而勿施人也疏子貢曰至也已云子貢曰云云者子貢問言若有人所能廣施恩惠於民又能救濟眾民之患難能如此者何如可得謂為仁人否乎云子曰何事於仁必也聖乎者孔子答曰若能如此者何事是仁乎乃是聖人之行也云堯舜其猶病諸者堯舜古聖天子也病猶患也諸之也又言前所能之事乃是聖人之行而聖人猶病患其事之難行也云天

仁者云云者既云前事不帝是仁為聖所難故此更答為仁之道也言已若欲自立自達則必先立達他人則是有人仁之者也云能近云云者能近取譬諸身遠取諸物已所不欲勿施於人能如此者可謂為仁之方也方猶道也

論語集注卷之三

三十一

論語集解義疏卷第三

Vertical columns of text, mostly faint bleed-through from the reverse side of the page.

論語集解義疏卷第四

魏何晏集解

梁皇侃義疏

日本根遜志校正

論語述而第七

疏

述而者。明孔子行教。但祖述堯舜。自比老彭。而不制作也。所以

次前者。時既夷嶮。聖賢地閉。非唯二賢之不遇。而聖亦失常。故以聖不遇。證賢不遇。非賢之失。所以

子曰。述而不作。信而好古。竊比於我老彭。**註**苞氏曰。

老彭。殷賢大夫也。好述古事。我若老彭。祖述之耳。

意從也。而世人不徙也。云不善不能改者。身本有
不善。當自改正。合善也。而世人不改也。云是吾憂
也者。吾孔子自謂也。言孔子
恒憂世人不為上四事也。

子之燕居申申如也。夭夭如也。註馬融曰。申申。夭夭。

和舒之貌也。疏子之至如也。明孔子居處有禮

和也。大夫者。貌舒也。玉藻云。燕居告溫。注。告謂

教使也。詩云。溫溫恭人。鄉黨云。居不容。故當燕居

時。所以心舒而貌舒也。故孫綽曰。燕居無事。故云

申心申暢。故和也。舒暢者。舒也。○註馬融曰。至貌也。○申

詩云。桃之夭夭。灼灼其華。即美舒義也。○申

子曰。甚矣吾衰也。久矣吾不復夢見周公也。註孔安

國曰。孔子衰老。不復夢見周公也。明盛時夢見周

公。欲行其道也。疏須子曰。至公也。○夫聖人行教。既

必為佐相。聖而君相者。周公是也。雖不為人主。則

制禮作樂。道化流行。孔子乃不敢期於天位。亦猶

願放乎周公。故年少之日。恒存慕發夢。及至年齒

衰朽。非唯道教不行。抑亦不復夢見。所以知已德

衰。而發衰久矣。即歎不夢之徵也。然聖人懸照。本

無俟夢想。而云夢者。同物而示衰也。故李充曰。

聖人無想。何夢之有。蓋傷周德之日衰。哀道教之

不行。故寄慨於不夢。發歎於鳳鳥也。○註孔安國

子曰。志於道。註志慕也。道不可體。故志之而已。據於

德。註據。杖也。德有成形。故可據也。依於仁。註依。倚

也。仁者功施於人。故可倚之也。游於藝。註藝。六藝

也。仁者功施於人。故可倚之也。游於藝。註藝。六藝

也。仁者功施於人。故可倚之也。游於藝。註藝。六藝

也。仁者功施於人。故可倚之也。游於藝。註藝。六藝

也。不足據依。故曰游也。**疏**子曰至於藝。此章明

不得徒然而已也。云志於道者。志者。在心。而慕之

謂也。道者。通而不壅者也。道既通。無形相。故

人當恒存志之在心。造次不可暫捨。離者也。云據

於德者。據者。執杖之辭也。德謂行事得理者也。行

事有形。有形。故可據杖也。云依於仁者。依者。倚也。

仁者。施惠之謂也。施惠於事。宜急。故當依之而行。

也。仁者。施惠於德。倚減於藝。故隨事而配之。云游於藝

者。游者。履歷之辭也。於藝。六藝。謂禮樂書數射御也。

其輕者。履歷之辭也。於藝。六藝。謂禮樂書數射御也。

○其輕者。履歷之辭也。於藝。六藝。謂禮樂書數射御也。

○其輕者。履歷之辭也。於藝。六藝。謂禮樂書數射御也。

○其輕者。履歷之辭也。於藝。六藝。謂禮樂書數射御也。

○其輕者。履歷之辭也。於藝。六藝。謂禮樂書數射御也。

○其輕者。履歷之辭也。於藝。六藝。謂禮樂書數射御也。

○其輕者。履歷之辭也。於藝。六藝。謂禮樂書數射御也。

○其輕者。履歷之辭也。於藝。六藝。謂禮樂書數射御也。

○其輕者。履歷之辭也。於藝。六藝。謂禮樂書數射御也。

○其輕者。履歷之辭也。於藝。六藝。謂禮樂書數射御也。

○其輕者。履歷之辭也。於藝。六藝。謂禮樂書數射御也。

子曰自行束脩以上。吾未嘗無誨焉。**註**孔安國曰。言

人能奉禮。自行束脩以上。則皆教誨之也。**疏**子

曰。自行束脩以上。吾未嘗無誨焉。**註**孔安國曰。言

人能奉禮。自行束脩以上。則皆教誨之也。**疏**子

曰。自行束脩以上。吾未嘗無誨焉。**註**孔安國曰。言

人能奉禮。自行束脩以上。則皆教誨之也。**疏**子

曰。自行束脩以上。吾未嘗無誨焉。**註**孔安國曰。言

人能奉禮。自行束脩以上。則皆教誨之也。**疏**子

曰。自行束脩以上。吾未嘗無誨焉。**註**孔安國曰。言

人能奉禮。自行束脩以上。則皆教誨之也。**疏**子

曰。自行束脩以上。吾未嘗無誨焉。**註**孔安國曰。言

人能奉禮。自行束脩以上。則皆教誨之也。**疏**子

曰。自行束脩以上。吾未嘗無誨焉。**註**孔安國曰。言

人能奉禮。自行束脩以上。則皆教誨之也。**疏**子

曰。自行束脩以上。吾未嘗無誨焉。**註**孔安國曰。言

子曰不憤不啓。不悱不發。舉一隅而示之。不以三隅

反。則吾不復也。**註**鄭玄曰。孔子與人言。必待其人

心憤憤。口悱悱。乃後啓發。爲之說也。如此。則識思

之深也。說則舉一隅。以語之。其人不思。其類。則不

復。重教之也。**疏**子曰。至復也。又明孔子教人法

也。云不憤不啓。不悱不發者。憤。謂

也。云不憤不啓。不悱不發者。憤。謂

也。云不憤不啓。不悱不發者。憤。謂

學者之心。思義未得而憤憤然也。啓也。憤謂學
者之口。欲有所諮。而未敢宣。憤憤然也。發也。憤
則孔子之教。待人其口。憤憤。而後為導。若憤
不悱。則不為發明也。所以然者。人若不悱。而
為啓。發則受者識錄。不堅。故須悱。憤。乃為發
聽。受分明。憶之深也。云舉一云者。隅也。林有
四角。屋有四角。皆曰隅也。孔子為教。雖待悱
也。譬如屋有四角。而此人不識事類。亦不復教
若此人不能以類反識。示之一角。餘三角。從類
三角。則不復教。示也。

子食於有喪者之側。未嘗飽也。子於是日也。哭則不

歌。註。喪者哀戚。飽食於其側。是無惻隱之心也。疏

子食至不歌。云子食於有喪者之側。未嘗飽也。者謂孔子助葬時也。為應執事。故必食也。必有哀

色。故不飽也。故禮云。飢而廢事。非禮也。飽而忘哀
亦非禮也。云子於是日也。哭則不歌者。謂孔子吊
喪之日。不歌也。吊喪必哭。哭歌不可同日。故是於吊哭
之日。不歌也。故范甯曰。是日即吊赴之日也。禮歌
哭則不歌也。故

子謂顏淵曰。用之則行。舍之則藏。唯我與爾有是夫。

註。孔安國曰。言可行則行。可止則止。唯我與顏淵

同耳。子路曰。子行三軍則誰與。註。孔安國曰。大國

三軍。子路見孔子。獨美顏淵。以為已有勇。至於夫

子為三軍將。亦當唯與已俱。故發此問也。子曰。暴

虎憑河死。而無悔者。吾不與也。註。孔安國曰。暴虎

徒搏也。憑河徒涉也。必也臨事而懼，好謀而成者。
 也。子謂至成者，也。云子謂云云者，此明顏孔
 也。於事等世於行，也。用者謂時世宜可，行之事
 也。藏者謂時世不宜行，則顏孔所同。故云：用行
 而賢人能得，故可行。用則顏孔所同。故云：用行
 藏。唯我與爾，有是夫。孫綽曰：聖人德合於天地，
 契於四時，不自昏於盛明，不獨曜於幽夜。顏齊其
 度。故動止無違，所以影附日月，絕塵於游場也。一
 云：與許也。唯我許汝，如此故。熙曰：聖人作則
 賢人佐天，地則許汝，如此故。熙曰：聖人作則
 許爾，有是地則許汝，如此故。熙曰：聖人作則
 然若行三軍，必當與路已聞，子論行也。故問則誰
 之。云子曰：三軍必當與路已聞，子論行也。故問則誰
 空手搏虎，為暴虎無舟，聞子路之術，故問則誰
 渡河。必致傷溺，若為此勇，則我行三軍搏虎，無與也。
 渡河。必致傷溺，若為此勇，則我行三軍搏虎，無與也。

以各應其求，隨長短，不得其死。然也。繆播曰：聖教
 於會通，合乎道中。以故剛勇者，屈以優柔。儉弱者，
 厲以銜求，及由之性也。以勇為累，常恐有失。其分
 功。銜世故，因題目於回，舉三軍以誨。以倒問將，以
 道。訓陶染，情性故。夫子應以篤誨，以示厥中。也。叩
 必也。云云者，孔子既抑子路，而又云：我所欲也。沈居
 政。欲須臨事而懼，又既好為謀，而必成者也。沈居
 士。子曰：若子路，不與顏淵而尚其勇，鄙昧也。已甚
 孔子。以之，比暴虎憑河，陷之於惡。實為太深，念以
 為。子路聞之，孔子許顏之遠，悅而慕之。自恨已才之
 近。唯強而已。故問子行三軍，則誰與之言必與許已
 也。言如暴虎憑河，則可賤而不取。謂世之言，若在
 三軍。則如暴虎憑河，則可賤而不取。謂世之言，若在
 若懼而能謀，抑亦仁賢之次流。謂子路也。如此三
 軍。則如暴虎憑河，則可賤而不取。謂世之言，若在
 國。三軍者，天子六軍，大國三軍，小國一軍。軍一萬
 二千五百人，也。云：至於夫子為三軍將者，猶帥

以不教民戰。是謂棄之。並是慎戰也。疾者宜將養。制節飲食。以時。人不慎。而孔子慎之也。故云子之戰。疾也。齊。

子在齊聞韶樂三月不知肉味。註周生烈曰。孔子在

齊聞韶樂之盛美。故忽於肉味也。曰不圖為樂

之至於斯也。註王肅曰。為作也。不圖作韶樂至於

此。此。此。齊也。疏。三月不知肉味者。韶者。舜樂名也。

盡善盡美者也。孔子至齊聞韶。君奏於韶樂之盛。

而心為痛傷。故曰忘肉味。至於一時乃止也。三月

樂器存人乖所以然也。齊是無道之君。而濫奏聖王之

道廢得有聲而無時。江熙曰。和璧與瓦礫齊貫。下

子所以惆悵。虞韶與鄭衛比響。仲尼所以永歎。彌

陳。陳敬仲竊以奔齊。故得僭之也。云曰不圖為樂

之。至於斯也。者。此孔子說所以忘味之由也。圖猶

謀慮也。為猶作也。樂韶樂也。斯此也。此指齊也。

孔子言實不意慮奏作聖王之韶樂。而來至此。齊

侯之國也。或問曰。樂隨人君而變。若人君心善則

樂善。心淫則樂淫。今齊君無道而韶音。那獨不變

而猶盛耶。且若其音猶盛。則齊民宜從樂化。而變

者。唯在時王之樂耳。何也。侃答曰。夫樂隨人君而變

當周厲成康之日。則六代之聲悉善。亦悉以化民。

若幽厲傷周。天下大壞。則唯周樂自隨。時君而變

壞。其民亦隨時君而惡。所餘殷夏以上。五聖之樂

則不隨時變。故韶樂在齊。而音猶盛。美者何。以

然哉。是聖王之樂。故不隨惡。君變也。而武亦善。而

獨變者。以其君是周之子孫。子孫既變。故先祖之

樂亦與之。而變也。又既五代音存。而不能化民者。

既不隨惡王而變寧為惡王所御乎既不為所御故雖存而不化民也又一通云當其未代其君雖惡而其先代之樂聲亦不變也而其君所奏淫樂不復秦正樂故不復化民也

冉有曰夫子為衛君乎也猶忘
註鄭玄曰為猶助也衛君者

謂輒也衛靈公逐太子蒯聵而立孫輒後晉

趙鞅納蒯聵于戚衛石曼姑帥師圍之故問其意

助輒否乎子貢曰諾吾將問之入曰伯夷叔齊何

人也子曰古之賢人也曰怨乎曰求仁而得仁又

何怨乎也**註**孔安國曰伯夷叔齊讓國遠去終於餓

死故問怨乎以讓為仁豈怨乎出曰夫子不為也

註鄭玄曰父子爭國惡行也孔子以伯夷叔齊為

賢且仁故知不助衛君明也

衛君乎者為猶助也衛君謂輒也衛靈公逐太子

蒯聵靈公以魯哀公二年夏四月薨而立蒯聵之子

輒輒為衛君孔子時在衛為輒所賓接後蒯聵還

奪輒國父子相圍時人多疑孔子應助輒拒父故

冉有傳物之疑以問子貢也故問也

受輒賓主之者子貢答冉有也故先應諾言吾將入

吾將問之者子貢答冉有也故先應諾言吾將入

問於孔子助輒不也云入曰伯夷叔齊何人也者

此子貢不入問孔子之辭也所以不問助輒不而問

夷齊者不欲斥言衛君事故以微理求之也伯夷

叔齊兄弟讓國而輒父子爭位其事已反故問夷

論語集解卷之四

齊為是則知不助也云子曰古之賢人也者答
 子貢也言夷齊是古賢人也云曰怨乎者恨也
 子貢又問夷齊有怨不乎所以問有恨不者夷
 齊兄弟讓國隱首陽山遂餓死首陽山下賢人相
 讓而致餓死應不恨也云曰求仁而得仁又何
 怨乎者孔子答曰不怨也言兄弟相讓本求仁義
 而萬代美其相讓之德是求仁不得仁也求之而
 雖死有何怨是君子殺身成仁不安生害仁之出
 曰夫且不為也者子貢既聞孔子以夷齊之讓為
 賢且為不仁故知報父子爭國為惡也所以答冉有
 云夫子不為衛君也鄭玄曰至否乎云公
 薨而立孫輒者公死後乃立輒也云後晉趙鞅納
 蒯聵于戚者後謂輒立為君後也蒯聵奔在戚入
 立定後其年六月晉臣趙鞅於戚以納蒯聵遂入
 衛奪輒之位也云衛石曼姑帥圍蒯聵于戚也
 年衛輒之臣石曼姑帥圍蒯聵于戚也云故問
 其意助輒不也哀公二年孔子在衛有問子貢曰孔
 子意助輒不也哀公二年孔子在衛有問子貢曰孔

魯至十五年冬蒯聵乃勝輒出奔魯子路死難使
 來魯報孔子也至十六年正月蒯聵從戚入衛為
 也君

子曰飯蔬食飲水曲肱而枕之樂亦在其中矣註孔

安國曰蔬食菜食也肱臂也孔子以此為樂也不

義而富且貴於我如浮雲註鄭玄曰富貴而不以

義者於我如浮雲非己之有也云子曰至浮雲

者此明孔子食無求飽也飯猶食也蔬食菜食也
 言孔子食於菜食而飲水無重着方丈也云曲肱
 而枕之樂亦在其中矣者此明孔子居無求安也
 肘前曰臂肘後曰肱通亦曰臂言孔子眠曲臂而
 枕之不錦衾角枕也孔子麤食薄寢而歡樂怡暢
 自在鹿薄之中也云不義而富且貴於我如浮雲

詩言集卷之四

者富與貴。是人之所以道得之。不處也。不
義而富貴。於我何相。如天之浮雲也。所以然者。言浮雲
自在。天與我何相。如天之浮雲也。所以然者。言浮雲
關也。又浮雲儼聚歛散。不可為常。如不義富貴。聚
散俄頃。如浮雲也。○如前釋也。鄭

子曰。加我數年。五十以學易。可以無大過矣。註易窮

理盡性。以至於命。年五十而知天命。以知命之年。

讀至命之書。故可以無大過也。疏此子曰至過矣。○

欲令學者加功於此書也。當孔子爾時。年已四十
五六。故云加我數年。五十而學易也。所以必五十
而學易者。人年五十。是知命之年也。易有大演之
數五十。是窮理盡命之書。故五十而學易也。既學
得其理。則大極照精微。故學無過失也。云無大過者。
小事易見。大難明。故學無大理。則得一不復大

過則小者。故不失之王。彌曰。易以幾神為教。幾
庶幾有過。而改然則窮神研幾。可以無過。明易道
深妙。戒過明訓。微言精粹。熟習然後存義也。王朗
又為一通。云鄙意以為易蓋先聖之精義。後聖無
問然者。也是以孔子即而因之。少而誦習。恒以為
務。稱五十而學者。明重易之至欲令學者專精於
此書。雖老不可以廢倦也。○註易窮至過也。○云
易窮理盡性。以至於命者。易明乾元亨利貞。窮測
陰陽之理。遍盡萬物之性。故云窮理盡性也。又識
窮通。故云以至於命也。云年五十而知天命者。人
年五十。應大演之數。與易數同。故知天命也。云以
無大過也者。照幾
窮理。故無失也。

子所雅言。註孔安國曰。雅言。正言也。詩。書。執禮。皆雅

言也。註鄭玄曰。讀先王典法。必正言。其音然後義

論語集解卷之四

全故不可有所諱也禮不誦故言執也

云子所雅言者孔子也雅正也謂孔子平生讀書皆正言之不為私所避諱也

言也者此是所不諱之書也詩及書禮皆雅言也六籍皆正言獨云詩書禮者舉一隅餘三隅可及也

則廢典不統矣夫引網尋綱振裘提領正言此三云者若讀書避諱則疑誤後生故禮云教學文不諱詩書禮而禮上長云執之義也背文而讀不諱詩書禮而禮上長云執之義也

直云詩書禮而禮上長云執之義也背文而讀不諱詩書禮而禮上長云執之義也

文依誦之故曰執也

葉公問孔子於子路子路不對註孔安國曰葉公名諸梁楚大夫食采於葉僭稱公不對者未知所以

葉公問孔子於子路子路不對註孔安國曰葉公名諸梁楚大夫食采於葉僭稱公不對者未知所以

答也子曰汝奚不曰其為人也發憤忘食樂以忘

憂不知老之將至也云爾疏葉公問至云爾云

者葉公楚臣也食采於葉楚僭稱王故臣稱公自

比諸侯也問子路以論孔子之事也但不知所問

何事也云子路不對者所問之事當乖孔子之德

而子路不對之故江熙曰葉公見夫子數應聘周

而師於弟以問道也則稱而近之誣也必揚

欲致之為政子路然而不答者疑葉公問之必將

子路也奚何也其孔子聞子路不對故未許其說

行故發憤而忘食其孔子也謂孔子對故以此言

老之將至也言葉公問汝何而不信天任命不知

德云爾以示之也然此諸語當是斥於葉公也李

論語集注卷之四 十一

充曰大子乃抗論儒業。大明其志使如徒。絕望於觀。覬不亦弘而廣乎。江熙曰。葉公唯知執政之貴。不識天下復有勝遠。故欲令子路抗明素業。無嫌於時。得以清波濯彼穢心也。

子曰我非生而知之者好古敏而以求之者也註鄭

玄曰言此者勉勸人於學也。我非生而知之者

者知生之謂知事理也。孔子謙以同物。故曰我有所知。非生而自然知之者也。王藻云。此蓋自同常教。以生卒物者也。云好古敏而以求之者也。者我既速以求知之也。

子不語怪力亂神註王肅曰怪怪異也力謂若暴盪

舟鳥獲舉千鈞之屬也亂謂臣弑君子弑父也神

謂鬼神之事也。或無益於教化也。或所不忍言也。

疏力謂多力也。若鳥獲舉千鈞之屬也。亂謂臣子

弑害君父之事也。神謂鬼神之屬也。此四事言之

無益於教訓。故孔子語不及之也。或問曰。易文言

孔子所答云。臣殺君。子殺父。並亂事。而云孔子不

語之何也。答曰。發端曰言。答述曰語。此云不語。謂

不誦答耳。非云不言此二事也。故李充曰。力是一事。亂

是一事。神都不言此二事也。故李充曰。力是一事。亂

怪異也。者舊云如山啼鬼哭之類也。云力謂若暴盪

盪。推也。鳥獲。古時健兒也。三十斤曰鈞。鳥獲能舉

三萬斤重也。云亂謂鬼神之屬也。子路問事鬼神。為亂

甚者也。云神謂鬼神之屬也。子路問事鬼神。為亂

曰。未能事人。焉能事鬼。是不言也。云或無益於教

化者解不言怪力神三事也云
或所不忍言者解不言亂事也

子曰我三人行必得我師焉擇其善者而從之其不

善者而改之註言我三人行本無賢愚擇善從之

不善改之故無常師也疏子曰至改之則宜更相進益

雖三人同行必推勝而引劣故必有師也則以善

引之故云其不善者而改之然善與不善即就一

人上為語也人不足故取善改惡亦更相師改

之託斯言以厲之夫子時道消俗薄解能崇賢尚勝

故託斯言以厲之夫子時道消俗薄解能崇賢尚勝

又未盡善也故曰擇其善者而從之其不善者而

改之或問曰何故曰擇其善者而從之其不善者而

彼此自好各言我不是若有人則恒也一答人見二人

則本無賢愚者就註言我至師也云言我三人

行本無賢愚者就註言我至師也云言我三人

子曰天生德於予桓魋其如予何註苞氏曰桓魋宋

司馬黎也天生德於予者謂授我以聖性也合德

天地吉而無不利故曰其如予何也疏子曰至予

也桓魋宋司馬也凶惡心恒欲害孔子孔子故明

言語之使其凶心止也言天生聖德於我我與天

何也桓魋雖無道安能違天而害我乎故云如予

江熙曰小人為惡以理喻之則愈凶強晏然待

之則更自處亦猶匡人聞文王之德而矢解也

論語集注卷之四 十四

子曰。二三子。以我為隱乎。吾無隱乎爾。註苞氏曰。

二三子。謂諸弟子也。聖人智廣道深。弟子學之不

能及。以為有所隱匿。故解之也。吾無所行而不與

二三子者。是丘也。註苞氏曰。我所為。無不與爾共

之者。是丘之心也。疏子曰。至丘也。云二三子。諸弟

子也。孔子聖道深遠。諸弟子學所不及。而有怨者

恒言孔子於己有所隱。惜故孔子今呼而問之曰。

汝等言我有所隱於汝乎。云吾無所隱乎。爾者。爾。汝

也。先呼問之。此更語之云。吾無所隱於汝也。云吾

無云云者。行猶為也。丘。孔子名也。孔子已向云無

隱。故此更自稱名。而說無隱之事。使之信也。言凡

我所為之事。無不與汝共之者。是丘之心如此。

子以四教。文。行。忠。信。註四者有形質。可舉以教也。疏

子以四教。文。行。忠。信。孔子為教。恒用此四事為

首。故云子以四教也。李充曰。其典籍辭義。謂之文。

孝悌恭睦。謂之行。為人臣則忠。與朋友交則信。此

四者。教之所先也。故以文發其蒙。行以積其德。忠

以立其節。信以全其終也。

子曰。聖人吾不得而見之矣。得見君子者。斯可矣。註

疾世無明君也。子曰。善人吾不得而見之矣。得見

有恒者。斯可矣。止而為有虛。而為盈。約而為泰。難

乎有恒矣。註孔安國曰。難。可名之。為有常也。疏曰。子

至直矣。云子曰云云者。孔子歎世無賢聖也。言

吾已不能見世有聖人。若得見有君子之行。則亦

可矣。言世亦無此也。然君子之稱上通聖人下至
 片善。今此云不見聖下云得見君子。則知此之
 君子。賢人。以下也。故王弼曰。此為聖人之通稱也。
 也。然德足君物。皆稱君子。亦有德者。人之通稱也。
 子曰。云云。者善人之稱。亦上通聖人。下通君子。異
 此所言。指賢人。以下也。稱。亦上通聖人。下通君子。異
 人也。云得見有恒者。斯可矣。者。有恒。謂雖不能
 善。而守常不為惡者。也。言爾時非唯無作片善者。
 亦無直置不為惡者。故亦不得見也。云云。而云云。
 者。此目不恒之人也。故亦不得見也。云云。而云云。
 指無為。有說虛作盈家貧約。而詐奢泰。皆與恒
 反。故云。難乎有恒矣。故江熙曰。言世人不負情反實
 逐波流。遷若影無持。故江熙曰。言世人不負情反實
 深索。此有恒難也。

子釣而不網。弋不射宿。註孔安國曰。釣者。一竿釣也。
 網者。為大網。以橫絕流。以繳繫釣。羅屬著網也。弋。

繳射也。宿。宿鳥也。
 欲因殺止殺。故同物有殺也。釣者。一竿釣也。而
 取魚也。網者。作大網。積遮於廣水。而羅列多釣者。
 之以取魚也。網。橫流而取。則得者多。則孔子所不為也。
 少也。若網。橫流而取。則得者多。則孔子所不為也。
 故云。子釣而不網。而取。則得者多。則孔子所不為也。
 此。人皆多繳。而射。取。則得者多。則孔子所不為也。
 亦繳射。唯自。日。用。事。而不及。夜。射。宿。之。鳥。也。孔。子。所。不。為。也。
 以然者。宿。鳥。夜。聚。有。群。勇。得。多。夜。射。宿。之。鳥。也。孔。子。所。不。為。也。
 驚動。夜。宿。仁。心。所。不。忍。也。故。孫。綽。曰。不。射。宿。之。鳥。也。孔。子。所。不。為。也。
 去。故。葉。網。而。存。釣。也。不。忍。也。故。孫。綽。曰。不。射。宿。之。鳥。也。孔。子。所。不。為。也。
 有節。所以。易。其。生。而。難。其。殺。也。○註。物。生。有。路。不。可。殺。賴。
 鳥也。○云。網。者。云。云。者。繳。其。殺。也。○註。物。生。有。路。不。可。殺。賴。
 列屬。著。大。繩。也。云。云。者。繳。其。殺。也。○註。物。生。有。路。不。可。殺。賴。
 云。古。人。以。細。繩。係。九。而。彈。謂。為。繳。射。也。一。云。取。一。
 杖。長。一。二。尺。計。以。長。繩。係。此。杖。而。橫。颺。以。取。鳥。謂。
 為。繳。射。也。鄭。玄。注。周。禮。司。弓。矢。云。結。繳。於。矢。謂。之。

增。增。高也。詩云。弋鳧與鳩。司弓矢。又云。田弋充籠。籠。矢。共。矰。矰。注云。籠。竹。籠。也。矰。矢。不在。籠。者。為。其。相。繞。亂。將。用。乃。共。之。也。侃。案。鄭。意。則。繳。射。是。細。繩。係。箭。而。射。也。云。宿。宿。鳥。者。或。云。不。取。老。宿。之。鳥。也。宿。鳥。能。生。伏。故。不。取。也。此。通。不。及。夜。也。

子曰。蓋有不知而作之者。我無是也。註。苞氏曰。時人

多有穿鑿。妄作。篇籍者。故云。然也。多聞。擇其善者

而從之。多見而識之。知之次也。註。孔安國曰。如此

次於生知之者也。疏。子曰。至次也。云。蓋有云云。

異端也。時蓋多有為此者。故孔子曰。我無是。不知而作。謂妄作穿鑿為。而作之事也。云。多聞。擇其善者而從之者。因戒妄。作之人也。言。豈得妄為穿鑿也。人居世間。若有耳。多所聞。則擇善者從之者也。云。多見而識之者。若

因多所見。則識錄也。多見不云。擇善者。與上互文。亦從可知也。云。知之次也者。若多聞。擇善。多見。錄。是。生。知。之。者。次。也。亦。善。此。雖。非。生。知。亦。是。生。知。之。者。次。也。

互鄉難與言。童子見門人惑。註。鄭玄曰。互鄉。鄉名也。

其鄉人言語自專。不達時宜。而有童子來見孔子。

門人怪孔子見也。子曰。與其進也。不與其退也。唯

何甚。註。孔安國曰。教誨之道。與其進。不與其退。怪

我見此童子。惡惡何一甚也。人潔已以進。與其潔

也。不保其往也。註。鄭玄曰。往。猶去也。人虛己。自潔

而來。當與其進之。亦何能保其去後之行也。疏。互鄉

言言集角義正卷之四

至往也。云互鄉難與言者。互鄉。鄉名也。此一鄉之人皆專愚。不可與之共言語也。云童子見者。童子。少兒來見孔子。難與言也。琳公曰。此八字通為一句。言此一鄉有一童子。孔子難與言耳。非一鄉皆專惡也。云門人感者。門人。孔子弟子也。惑猶嫌怪也。言彼一鄉皆惡。况復少兒乎。孔子忽然見之。故弟子皆嫌惑之也。云子曰。云者。孔子為門人釋惑也。言凡教化之道。唯進是與。唯退是抑。故無來而不納。豈不本其所本耶。故云與。其進。不與其退也。云唯。者。言教化與進。而汝等怪之。此亦一退也。云唯。語助也。云人。潔已以進者。更釋教誨所以與進之義也。言人。有來進師門者。非潔則不進。謂已過潔已者。也。云與。其潔也。不保其往也。者。往。謂已過其往。言其既潔已。而猶進之。是與其潔也。而誰保之。行。日。其所行耶。何須惡之也。顧歡曰。往。謂前日迷後得。故教誨之道。潔則與之。往。日。行。始。非我所保。

也。○**註**孔安國曰。至甚也。○言汝等為惡其鄉。而增其善童。所以是惡惡之甚也。○**註**鄭玄曰。至。行。之。亦。謂。今日。之前。是。已。去。之。後。也。○**註**荀氏曰。仁道不

子曰。仁遠乎哉。我欲仁。斯仁至矣。**註**苞氏曰。仁道不

遠。行。之。則。是。至。也。**疏**子曰。至矣。○世人不肯行

遠乎也。言其不遠也。但行之由我。斯此也。江熙

陳司敗問。昭公知禮乎。**註**孔安國曰。司敗。官名也。陳

大夫也。昭公。魯昭公也。孔子對曰。知禮。孔子退。揖。巫馬期而進也。曰。吾聞君子不黨。君子亦黨乎。君

論語集注卷之四

十一

娶於吳為同姓謂之吳孟子君而知禮孰不知禮

註孔安國曰巫馬期弟子也名施相助匪非曰黨

魯吳俱姬姓也禮同姓不婚而君娶吳之當稱吳

姬諱曰孟子也巫馬期以告子曰丘也幸苟有過

人必知之註孔安國曰以司敗之言告也諱國惡

禮也聖人智深道弘故受以為過也

疏陳司敗問

云陳司敗問昭公知禮乎者昭公魯君也陳司敗

見孔子而問魯君知禮以不也云孔子對曰知禮

者答司敗曰昭公稠知禮也云孔子退者古人欲相

竟而退去云揖巫馬期而進也者揖者古人欲相

見前無禮故問孔子也巫馬期曰知禮而司敗心所不許

昭公無禮故問孔子也巫馬期曰知禮而司敗心所不許

吾云云者相助匪非曰黨昭公進之欲與語也云曰

知禮所以是黨也故司敗語巫馬期曰吾從來聞

君子之義與此無所私相阿黨孔子既於是君子

而今匿君之惡故曰君子亦黨乎云君娶於吳者

司敗此舉昭公不知禮事也昭公與吳同姓周

大百世後大婚伯是周公祖昭公與吳同姓周

禮百世後大婚伯是周公祖昭公與吳同姓周

於吳也云為同姓謂之吳孟子者禮稱婦人皆稱

國及姓猶如齊姜秦嬴之屬也魯之娶吳當謂為

吳姬而昭公為吳是禮孰不知禮者孰誰也君娶

同姓君是知禮則誰為惡事者而謂為還則具述

云巫馬期以告者巫馬期得司敗之語還則具述

我言。用昭公所行為知禮。則禮亂之事。從我而始。今得司敗見非。而我受以爲過。則後人不謬。故我所以爲幸也。繆協曰。諱則非諱。斯誠然矣。司敗之爲過。則詭言以爲諱。今巫馬師徒將明其義。故向之問。則詭言以爲諱。今巫馬師徒將明其義。故向之言。爲合禮也。苟曰合禮。則不爲黨矣。今若不爲。過則何禮之有乎。○**註**。孔安國曰。司敗官名也。陳大夫也。○**註**。陳有司敗之官也。○**註**。孔安國曰。至過也。○**註**。諱國惡禮也。者。諱國之惡。是禮之所許也。○**註**。聖人云云者。混而不緇。故受之也。

子與人歌而善。必使反之。而後和之。**註**樂其善。故使

重歌。而後自和之也。**疏**子與至和之。○此明孔子

子與人共歌。若彼人歌善。合於雅頌者。則孔子欲重聞其音。曲故必使重歌也。重歌既竟。欣之無已。以故孔子又自歌以答和之也。衛瓘曰。禮無不答。歌以和相答也。其善乃當和之也。衛瓘曰。禮無不答。歌

○然後和也。案衛之後句不及也。○如前釋也。

子曰。文莫吾猶人也。**註**莫無也。文無者。猶俗言。文不

也。文不吾猶人者。言凡文皆不勝於人也。躬行君

子。則吾未之有得也。**註**孔安國曰。躬爲君子行。已

未能得之也。**疏**者。孔子至得也。○云文莫吾猶人也。

猶不也。孔子言我之文章不勝於人。故曰吾猶人。也。言我文既不勝人。故身自行君子之行者。則吾亦未得也。○**註**。文無者。猶俗言。文不也。○何云。俗云。文不勝人。爲文不也。

子曰。若聖與仁。則吾豈敢。**註**孔安國曰。孔子謙不敢。

自名仁聖也抑為之不厭誨人不倦則可謂云爾已矣公西華曰正唯弟子不能學也註馬融曰正

知所言弟子猶不能學也况仁聖乎疏子曰至學也○云若

聖與仁則吾豈敢者亦謙也言聖及仁則吾不敢

自許有故云豈敢也雖不敢自名已有此二事也云

抑為云云者孔子雖不受仁聖之目而以此二事

自許也抑語助也為猶學也為之而不厭謂雖不敢

云自不仁聖而學仁聖之道不厭也學而不厭又

教誨不倦乃可謂仁聖如此耳云公西華云云者公

西華聞孔子自云學仁聖不厭又教人倦故已

自稱弟子以往諮也言正如夫子所自許之事則

學弟亦不能也註苞氏曰禱禱請於鬼神也子曰

子疾病子路請禱註苞氏曰禱禱請於鬼神也子曰

有諸註周生烈曰言有此禱請於鬼神之事乎子

路對曰有之誅曰禱爾于上下神祇註孔安國曰

子路失旨也誅禱篇名也子曰丘之禱之久矣註

孔安國曰孔子素行合於神明故曰丘禱之久矣

疏子疾至久矣○云子疾病子路請禱者疾甚曰

疾甚故子路請於孔子欲為孔子祈求福也孔子

曰有諸者諸之也孔子言死生有命不欲有禱故

反問子路者此禱請之事乎心不許也云子路對

曰云云者子路不達孔子意聞孔子之問仍引得

古舊禱天地之誅辭以答孔子也故云有之誅曰

也天曰神地曰祇也云子曰丘之禱之久矣者子曰

非也故云我之禱已久今則不復須也實不禱而

論語集解卷之四

云久禱者聖人德合神明豈為神明所禍病而祈
 之乎樂肇曰案說者徒謂無過可謝故止子路之
 請不謂上下山川大夫奉宗廟此禮也禮之常也然則
 諸侯祈山川大夫奉宗廟此禮也禮之常也然則
 禱爾于上下神祇乃天子禱二靈孔子辭也子路以
 聖人動應天命欲假禮祈福二靈孔子辭也子路以
 絕之也曰丘禱久矣此豈其辭乎欲卒舊之辭也
 自知無過可謝而云丘之禱久矣豈其辭乎夫聖
 行無違凡庸所知也子路名也若夫以行合神明無
 為祈福自不庸所以謝過為名也若夫以行合神明無
 所禱請是聖人無禱請之禮夫知如是則禮與之
 言棄金滕之義廢矣侃謂若案何集則子路自不
 達旨引得舊禱是天地之誅是子路之意也然復何傷
 若如樂義則猶是使門人為之深於請禱之過
 君幸而子路欲此亦不達之甚乃得深於請禱之過
 耳幸而子路欲此亦不達之甚乃得深於請禱之過
 孔安國曰須譏此而誅者謂如今行之跡為謚之言
 累也人生有德行而死而累列其行之跡為謚之言

子曰奢則不遜儉則固與其不遜也寧固註孔安國

曰俱失之也奢不如儉奢則僭上儉則不及禮耳

固陋也疏子曰至寧固云奢則不遜儉則固者

奢華則僭濫不恭若儉約則固陋不及禮也云與

其不遜也寧固者二事乃俱為失若不遜陵物物

必害之頃覆之期俄頃可待若止復固陋誠為

不逮而物所不侵故與其不遜寧為固陋也

子曰君子坦蕩蕩小人長戚戚註鄭玄曰坦蕩蕩寬

廣貌也長戚戚多憂懼貌也疏子曰至戚戚云

蕩蕩心貌寬曠無所憂患也君子內省不疚故也

云小人長戚戚者長戚戚恒憂懼也小人好為罪

過故恒懷憂懼也江熙曰君子坦蕩蕩然無

私小人馳競於榮利耿介於得失故長為愁府也

子溫而厲威不猛恭而安

疏

子溫至而安○明孔子

厲世也溫而和潤也厲嚴也人作威者心雄而能

能王不猛也又恭者好聲險不安孔子事而能安也

威恭則不安安者不恭此對反之常名也若夫溫

而能厲威而不猛恭而能安斯不可名之理全矣

故至和之調五味不形大成之樂

五聲不和中備質五材無名也

論語泰伯第八

子曰泰伯其可謂至德也已矣三以天下讓民無得

而稱焉註王肅曰泰伯周太王之太子也次弟仲

雍少弟曰季歷季歷賢又生聖子文王昌昌必有

天下故泰伯以天下三讓於王季其讓隱故民家

無得而稱言之者所以為至德也

疏子曰至稱焉

可謂至德也已矣者泰伯者周太王之長子也太

王者即古公亶甫也亶甫有三子大者泰伯次者

仲雍少者季歷三子並賢而泰伯有讓德深遠雖

聖不能加故云其可謂至德也已矣其至德之事

在下范甯曰泰善大之稱也伯長也泰伯周太

之元子故號泰伯其德弘遠故曰至也云三以天

下讓者此至德之事也其讓天下之位有二跡故

云三以天下讓也所以有讓者少弟季歷生子文

者昌昌有聖人德泰伯知昌必有天位但升天位

論語集解義疏卷之四 二十三

侯。已。是。太。王。畏。子。長。子。後。應。傳。國。今。欲。令。昌。取。王。位。有。漸。故。讓。國。而。去。令。季。歷。傳。之。也。其。有。三。跡。者。范。甯。曰。有。二。釋。一。云。泰。伯。少。弟。季。歷。生。子。文。王。昌。昌。有。聖。德。泰。伯。知。其。必。有。天。下。故。欲。令。傳。國。於。季。歷。以。及。文。王。一。因。太。王。病。託。採。藥。於。吳。越。不。反。太。王。薨。而。季。歷。立。一。讓。也。季。歷。薨。而。文。王。立。二。讓。也。文。王。薨。而。武。王。立。於。此。遂。有。天。下。是。為。三。讓。也。又。一。云。太。王。病。而。託。採。藥。出。生。不。事。之。以。禮。一。讓。也。太。王。薨。而。不。反。使。季。歷。主。喪。死。不。葬。之。以。禮。二。讓。也。斷。髮。文。身。示。不。可。用。使。季。歷。主。祭。禮。不。祭。之。以。禮。三。讓。也。而。王。道。成。是。三。以。天。下。讓。之。所。為。者。季。歷。文。武。三。人。而。王。道。成。是。三。以。天。下。讓。之。所。為。者。季。歷。文。武。三。者。德。讓。跡。既。隱。當。時。人。民。不。覺。故。無。能。稱。其。讓。德。者。也。故。范。甯。曰。詭。道。合。權。隱。而。不。彰。故。民。無。得。而。稱。之。乃。大。德。也。繆。協。曰。其。讓。之。跡。詭。當。時。莫。能。知。故。無。以。稱。焉。可。謂。至。德。也。或。問。曰。泰。伯。當。時。莫。能。知。故。則。不。應。讓。人。若。人。有。天。下。則。泰。伯。復。無。天。下。可。讓。今。云。三。以。讓。天。下。讓。其。事。如。何。或。通。云。泰。伯。實。應。傳。讓。

子曰恭而無禮則勞慎而無禮則蕙註蕙畏懼之貌

也言慎而不以禮節之則常畏懼也勇而無禮則

亂直而無禮則絞註馬融曰絞絞刺也君子篤於

親則民興於仁故舊不遺則民不偷註苞氏曰興

起也君能厚於親屬不遺忘其故舊行之美者也

則民皆化之起為仁厚之行不偷薄也疏子曰至

此章明行事悉須禮以為節也云恭而無禮則勞

論語集注卷之四

二十一

者夫行恭遜必宜得禮則若恭而無禮則遜在

諸侯今讓者諸侯位耳而云讓天下者是為天下而讓今即之有階故云天下也然仲雍亦隨泰伯讓是導仁軌也仲雍隨是揚其波也

下。所以身自為勞苦也。云慎而無禮則蕙者蕙畏懼過甚也。若慎而無禮則畏懼之甚。於事不行也。云勇而無禮則亂者勇而有禮內則擊跪於廟堂之上。外則捍難於壇場之所。若勇而無禮則為殺害之亂也。云直而無禮則絞者絞。刺也。直若無禮則自行不邪曲。若不得禮對面譏刺他人之非必致怨恨也。云君子篤於親則民興於仁者君子人君也。篤厚也。人君若自於親屬篤厚則民下化之。皆競興起仁恩也。孝悌也者其仁之本與也。云故舊不遺則民不偷也。故舊謂朋友也。偷薄也。人君富貴而不遺忘昔舊友朋則下民效之不為薄行也。

曾子有疾召門弟子曰啓予足啓予手註鄭玄曰啓開也。曾子以為受身體於父母不敢毀傷之故使弟子開衾而視之也。詩云戰戰兢兢如臨深淵如履薄冰註孔安國曰言此詩者喻已常誠慎恐有所毀傷也。而今而後吾知免夫。小子註周生烈曰乃今日而後我自知免於患難矣。小子弟子也呼者欲使聽識其言也。疏曾子有至小子云曾子昔授孝經於曾子曰身體髮膚受之父母不敢毀傷曾子稟受至死不怠故疾病臨終日召已門徒弟子令開衾視我手足毀傷與不亦示父母全而生已已亦全而歸之也。先足後手手近足遠示急從遠而視也。云詩云云者既令開衾又引詩證已平生敬慎畏懼有毀傷之心也。戰戰恐懼兢兢戒慎也。如臨深淵恐墜也。如履薄冰恐陷也。夫

人於高岩之頂俯臨萬丈之深淵必恐懼寒心恒畏墜落也。冰之厚者猶不可履况跪行薄冰之上孰不斂身戒慎恐陷乎。言我平生畏慎身體之心。

如人之臨履深薄也。云而今而後吾知免夫者。引詩既竟。又語諸弟子也。而今。今日也。而後。即今日以後也。免。免毀傷也。既臨終而得不毀傷。故知自今日以後。全歸泉壤。得免毀傷之事也。云小子者。呼諸弟子語之。令識已言也。

曾子有疾。孟敬子問之。註馬融曰。孟敬子魯大夫仲

孫捷也。曾子言曰。鳥之將死其鳴也哀。人之將死

其言也善。註苞氏曰。欲戒敬子言我且將死。言善

可用也。君子所貴乎道者三。動容貌。斯遠暴慢矣。

正顏色。斯近信矣。出辭氣。斯遠鄙倍矣。註鄭玄曰

此道謂禮也。動容貌。能濟濟蹌蹌。則人不敢暴慢

之也。正顏色。能矜莊嚴栗。則人不敢欺誕之也。出辭氣。能順而說。則無惡戾之言入於耳也。籩豆之事。則有司存。註苞氏曰。敬子忘大務。小故又戒之

以此也。籩豆。禮器也。

曾大夫仲孫捷也。來參問曾子之疾也。云曾子言

曰云云者。曾子得敬子之問。疾因而戒之也。將敬

戒之。故先發此言。欲明我所以相戒之意也。言鳥

之臨死。唯知哀鳴。而不知出善言。此則是我之常也。若人臨

死而無善言。則與鳥獸不異。今我將臨死。故欲出

善言以戒汝也。故李充曰。禽獸之所以貴於禽獸者。以其慎終始。在困不撓也。禽獸之將死。不違擇音。唯吐窮急之聲耳。人若將死。而不思令終之言。唯哀懼而已者。何以別於禽獸乎。是以君子之將終

必正存道不忘格言臨死易箕困不違禮之辨論三
 德大加明訓斯可謂善言也或問曰不直云曾子
 曰而云言曰何也答曰欲重曾子曰言臨終言善之可
 錄故特云言也又答曰通云出已曰言答述曰語曾
 子臨終綿困不堪答述也示直出已之懷而已云
 君子所貴乎道者三者此以下即曾子所述善言
 也道猶禮也言君子所貴禮者有三事也云動容
 貌斯遠暴慢矣者此所貴三之第一也動容貌謂
 成儀容舉止也君子坐則儼然行則蹇濟如此則
 人望而畏之不敢有暴慢之者故云斯遠暴慢也
 故顏延之云動容則人敬其儀故暴慢息也云正
 顏色斯近信矣者此所貴三之第二也就凡人相
 見先觀容儀容儀故莊正不數變動則人不敢欺詐
 也人之顏色恒欲莊正不數變動則人不敢欺詐
 之故云近信也故顏延之云正色則人達其誠故
 信者立也云出辭氣斯遠鄙倍見顏色者此所貴三
 第也辭氣言語音聲也既鄙倍違之顏色者此所貴
 出言有章故人不致鄙穢倍違之顏色者此所貴三

出辭則人樂其文故鄙倍絕也侃謂暴慢鄙倍同
 是惡事故曰遠而信是善事故云近也云籩豆之
 事則有司存者籩豆禮器也竹曰籩木曰豆盛
 俎醢籩盛菓實並容四升柄尺二寸下有跗也舊
 云敬子不存大事大事即斥前三禮也而好修飾
 籩豆之事付於有司不關汝也注亦謂典籩豆之
 官也○苞氏曰至用也○此注亦明如向釋之又
 繆協曰曾子謙不以遠理自喻且敬子近人故以
 常言語悟之冀其必納也然繆解亦得會苞注也
 矣也云無惡矣之言入於耳者不敢欺誕者誕猶詐
 禮記云言悖而出亦悖而入若出不能悖故鄙倍
 不入於耳也○苞氏曰至器也○依苞此注亦
 得如舊說也若欲又為一通亦得云敬子務小
 事而忽略籩豆故曾子曰汝不須務小當使有司
 存於宗廟籩豆之禮也而繆協別通曰籩豆禮器
 可以致敬於宗廟者言人能如上三貴則祝史陳

信無愧辭故有司
所存

曾子曰以能問於不能以多問於寡有若無實若虛

犯而不校註苞氏曰校報也言見侵犯而不校之

也昔者吾友嘗從事於斯矣註馬融曰友謂顏淵

也疏曾子曰至斯矣此明顏淵德也云以能問

而為盈唯顏淵謙而反之也顏淵實有才而為虛

如己不能故雖見不能者猶諮問尋求也云以多

問於寡者多謂識性之多也己識雖多常不敢自

言已多故每問於寡識者也云有若無實若虛者

又處人間未嘗以己之才德為有為實恒謙退如

虛無也云化而不校者校報也人有惡加犯己者

己不報德之也設仲堪曰能問而不能以多問於寡或疑

其負實德之跡似乎為教而然余以為外假謙虛

黃中之道冲而用之每事必然夫推情在於忘賢

故自處若不足處物以賢善故期善於不能因斯

而言乃虛中之素懷處物之誠心何言於為教哉

犯而不校者其亦居物以非乎推誠之理然也

非不爭事也應物之跡異矣其為中虛一也云昔

者吾友嘗從事於斯矣者謂顏淵也曾子言唯

昔吾友能為上諸行也江熙

曰稱吾友言己所未能也

曾子曰可以託六尺之孤註孔安國曰六尺之孤謂

幼少之君也可以寄百里之命註孔安國曰攝君

之政令也臨大節而不可奪也註大節者安國家

定社稷也奪者不可傾奪之也君子人與君子人

疏

曾子曰至人也云曾子曰可以託六尺之

孤者託謂憑託也六尺之孤謂童子無父而

二

為國君者也。年齒幼少，未能自立，故憑託大臣。如
 成王託周公者也。云可以寄百里之命者，謂國之
 命者，如周公攝政也。幼君
 既未嘗行政，故寄冢宰攝之也。如周公攝政也。然
 幼孤云託教令，寄冢宰攝之也。如周公攝政也。然
 之言，寄是暫寄有反之目也。君身尊重，故云託示
 長憑於阿衡者也。教命待君年長而還，君自裁斷
 是有反也。云臨大節而不可奪也者，國有大難，臣
 能死之，是臨大節而不可奪也。云君子人與君子人
 也者，言為臣能受託幼寄命，又臨大節不回。此是
 託六尺人與也。再言君子之美之深也。而我無二心，彼無
 二節，授任而不失人受任，而不可奪。故齊必同乎
 君子之道，審契而要終者也。非君子之故，人與君子
 者，孰能要其終。
 而均其致也。

曾子曰：士不可以不弘毅，任重而道遠。
 註：苞氏曰：弘，

大也。毅，強而能決斷也。士弘毅，然後能負重任，致
 遠路也。仁以為己任，不亦重乎？死而後已，不亦遠
 乎？
 註：孔安國曰：以仁為己任，重莫重焉。死而後已
 遠，莫遠焉。
 毅，謂能強果斷也。言丈夫居世，必使德行弘大。而
 能果斷也。云任重而道遠者，釋所以宜弘毅義也。
 即所任者，重所行者，遠。故宜德大而能斷也。云仁
 以為己任，不亦重乎者，此解任重也。士既以仁為
 平生之任，此任豈得不謂為重乎？云死而後已，不
 亦遠乎者，此釋道遠也。已，止也。言知行仁，不可少
 時而止。必至此道，豈不遠而止耳。
 至死乃止。此道豈不遠乎。

子曰：興於詩。
 註：苞氏曰：興，起也。言修身當先學詩也。

立於禮

註

苞氏曰禮者所以立身也成於樂註孔

安國曰樂所以成性也

疏

子曰至於樂此章明

詩者興起也言人學先從詩起後乃次諸典也所

以然者詩有夫婦之法人倫之本近之事父遠之

事君故也又江熙曰覽古人志可起發其志也

云立於禮者學詩己明次又學禮也所以然者人

無禮則死有禮則生故學禮所以自立也云成於

樂者學禮若異次宜學樂也所以然者禮之用和

為貴行禮必須學樂以和成己性也○禮之用和

曰樂所以成性也○王弼曰言有為政之次序也

夫喜懼哀樂之自然應感而動則發乎聲歌所

以陳詩採謠以知民志風既見其風則損益基焉

故因俗立制以達其禮也若不採民刑則無心未化故

又感以聲樂以和神也禮若不設則樂無所觀風

非禮則功無所濟故三體相扶而用樂先後也

案輔嗣之言可思也且案內則明學次第十三舞

勺十舞象二十始學禮後當云先學舞勺舞象皆

乃學禮也若欲申此注則當云先學舞勺舞象皆

是舞詩耳至二十學禮後備聽八音之樂和之以

終身成性故

後云樂也

子曰民可使由之不可使知之註由用也可使用而

不可使知者百姓能日用而不能知也

此明天道深遠非人道所知也由用也元亨日新

之道百姓日用而不知也張憑曰為政

而不知其所以故云不可使知之也

以德則各得其性天下日用而不知故曰可使由

之若為政以刑則防民之為政當以德防而為之

子曰好勇疾貧亂也註苞氏曰好勇之人而患疾已

貧賤者必將為亂也人而不仁疾之已甚亂也註

孔安國曰疾惡大甚亦使其為亂也疏子曰至亂

勇疾貧亂也者好勇之人若能樂道自居此乃為

可耳若不能樂道而憎疾己之貧賤則此人必為

亂也故繆協曰好勇則剛武疾貧則多怨以多怨

之人習於武事是使之為亂也云人而不仁疾之

己甚亂也者夫不仁之人當以理將養或冀其感

悞若復憎疾之大甚則此不仁者近無所在必為

逆亂也故鄭康成曰不仁人

疾之大甚是使之為亂也

子曰如有周公之才之美設使驕且吝其餘不足觀

也已矣註孔安國曰周公者周公且也疏子曰至

也已矣

其餘謂周公之才伎也言人假設有才能如周公

且之美而用行驕恠則所餘如周公之才伎者亦

不足復可觀者以驕沒才也故王弼曰人之才美

如周公設使驕恠其餘無可觀者言才美以驕恠

棄也况驕恠者必無周公才美

乎假無設有以其驕恠之鄙也

子曰三年學不至於穀不易得也已註孔安國曰穀

善也言人三歲學不至於善不可得言必無及也

所以勸人於學也疏子曰至也已勸人學也穀

道也若三年學而不至善道者必無此理也故云

不易得也已孫綽曰穀祿也云三年學足以通業

子曰篤信好學守死善道危邦不入亂邦不居天下

已者猶云不易已得也教勸中人已下也

可以得祿也雖時不祿得祿之道也

道也若三年學而不至善道者必無此理也故云

有道則見無道則隱註苞氏曰言行當常然也危

邦不入謂始欲往也亂邦不居今欲去也臣弑君

子弑父亂也危者將亂之兆也邦有道貧且賤焉

恥也邦無道富且貴焉恥也註子曰至恥也此

云篤信好學者令篤厚於誠信而好學先王之道

也云守死善道者寧為善而死不為惡而生故云

守死善道也云危邦不入者謂初仕時也見彼國

將危則不須入仕也云亂邦不居者謂我國已亂

則宜避之不居住也然亂時不居則始危時猶居

也危者不入則亂故宜不入也云天下有道則見

者天下謂天子也見謂出仕也若世王有道則宜

出仕也云無道則隱者若時王無道則隱枕石漱

流也陳文子棄馬十乘而去是亂邦不居也云邦

有道貧且賤焉恥也者國君有道則宜運我才智

佐時出仕宜始得富貴而已獨貧賤則是才德淺

薄不會明時故為可恥也云邦無道富且貴焉恥

也者國君無道而已出仕招致富貴則是已亦無

道得會惡逆之君故亦為可恥也江熙曰不枉道

而事人何以致無道寵寵所以恥也夫山林之士

笑朝廷之人束帶立朝不獲道遙也夫山林之士

山林之士褊厄也各是其所是而非其所非是

以夫子兼弘出處之義明屈申貴於當時也

子曰不在其位不謀其政也註孔安國曰欲各專一

於其職也

子曰師摯之始關雎之亂洋洋乎盈耳哉註鄭玄曰

師摯魯太師之名也始猶首也周道既衰微鄭衛

之音作正樂廢而失節魯太師摯識關雎之聲而

之音作正樂廢而失節魯太師摯識關雎之聲而

之音作正樂廢而失節魯太師摯識關雎之聲而

首理其亂者洋洋乎盈耳哉聽而美也

師魯太師也擊太師名也始首也關雎詩篇也洋洋聲盛也于時禮樂崩壞正擊散逸唯魯太師猶識關雎之聲而首理調定使聲盛盈於耳聽也

子曰狂而不直註孔安國曰狂者進取宜直也侗而

不直註孔安國曰侗未成器之人也宜謹愿也

慳而不信註苞氏曰慳慳慳慳也宜可信也吾不

知之矣註孔安國曰言皆與常度反故我不知也

疏子曰至之矣○此章數時世與古反也云狂而不直者用行宜其直趣無迴不俟於善惡

而當時狂者不復直也故下卷則云古之狂也肆今之狂也蕩云侗而不愿者侗謂籠侗未成器之人也愿謹也人幼未成人者情性宜謹愿而當時幼者亦不謹愿也云慳慳而信者慳謂野慳也野慳之人宜可信而于時野慳者皆詐詭不復宜可信也云吾不知之矣者既與古時反故孔子曰非復我能知測也王弼曰夫推誠訓俗則民俗自化非復我情偽則儉心茲應是以聖人務使民皆歸厚不以探幽為明務使姦偽不興不以先覺為賢故雖明並日月猶曰不知也

子曰學如不及猶恐失之註學自外入至熟乃可長

久如不及猶恐失之耳疏子曰至失之○言學之

前人欲取必及故云如不及也又學若有所得則戰戰持之猶如人執物恒恐去失當錄之為意也

李充曰。學有交勞。而無交利。自非天然好樂者。則易為懈矣。故如懼不及。猶恐失之。况可怠乎。繆協稱中正曰。學自外來。非夫內足。恒不懈惰。乃得其用。如不及者。已及也。猶恐失者。未失也。言能恐失之。則不失。如不及。則能及也。○**○**學自至之耳。○如注意。則云。如若也。言人學。○**○**熟。若學而不及於熟。雖得猶恐失之也。

子曰巍巍乎舜禹之有天下也而不與焉。**註**美舜禹

已不與求天下而得之也。巍巍者高大之稱也。

○子曰至與焉。○此美舜禹也。舜禹亦古聖天子也。巍巍高大之稱也。言舜禹逢時遇世。高大可美也。舜受堯禪而有天下。禹受舜禪而有天下。此二聖得時有天下。並非身所預求。而君自禪之也。一云。孔子歎已不預見舜禹之時也。若逢其時。則已宣道當用也。故王弼曰。逢時遇世。莫如舜禹也。江熙

子曰大哉堯之為君也。巍巍乎唯天為大。唯堯則之

註孔安國曰。則法也。美堯能法天而行化也。蕩蕩

乎民無能名焉。**註**苞氏曰。蕩蕩廣遠之稱也。言其

布德廣遠。民無能識名焉。巍巍乎其有成功也。**註**

功成化隆。高大巍巍也。煥乎其有文章。**註**煥明也。

其立文。垂制。復著明也。**○**子曰至文章。○此美堯

者為禪讓之始。故孔子歎其為君之德大也。云巍巍乎。唯天為大。唯堯則之者。則法也。言唯天德巍巍。既高。既大而唯堯能法而行之也。所以有則天之德者。夫天道無私。唯德是與。而堯有天子位。禪舜

曰舜禹受禪有天下之極。故樂盡其善。歎不與並時。蓋感道契在昔。而理屈當今也。

唯德是與功遂身退則法天而行化也云蕩蕩
乎民無能名焉者蕩蕩廣遠之稱也言堯布德廣
遠功用遍匝故民無能識而名之者唯堯於時全
人有則天之德所以稱唯堯則之者唯堯於時全
則天之道也蕩蕩無形無名之稱也夫名所名者
生於善有所章而惠有所存善惡相須而名分形
焉若夫大愛無私惠將安在至美無偏名將何生
故則天成化道同自然不私其子而君其臣凶者
自罰善者自功功成而不立其譽罰加而不任
其刑百姓日用而不知所以然夫又何可名也

帝有臣五人而天下治註孔安國曰禹。稷。契。皋陶。伯

益也武王曰予有亂臣十人註馬融曰亂。理也理

官者十人也謂周公且召公奭太公望畢公榮公

大顛閎夭散宜生南宮适其餘一人謂文母也孔

子曰才難不其然乎唐虞之際於斯為盛有婦人

焉九人而已註孔安國曰唐者堯號也虞者舜號

也際者堯舜交會之間也斯此也此於周也言

堯舜交會之間比於此周最盛多賢才然尚有

一婦人其餘九人而已大才難得豈不然乎參分

天下有其二以服事殷周德其可謂至德也已矣

註苞氏曰殷紂淫亂文王為西伯而有聖德天下

之歸周者三分有二而猶以服事殷故謂之至德

也疏舜有至已矣記者又美舜德也云舜有臣

五人而天下治者五人者禹一稷二契三皋

陶四伯益五也言舜有此五臣共治天下故治也
云武王曰予有亂臣十人者武王周發也予我
亂理也武王曰我然乎者記天下者有十人也云孔
子曰才難不其然乎者記天下者有十人也云孔
數而後書孔子之言於下也孔子歎曰良才之難
得而不其如書此乎言如此云唐虞云者此是才難
之證也唐虞堯舜有天下之號也際者謂堯舜交
代之間也斯此也此謂周也言唐虞二代交際共
有此人五臣若比於此周最盛雖為盛尚不滿
是才難也季彪難曰舜之五臣一聖四賢八元八
凱十有六人據左氏明文或稱齊聖或云明哲雖
非聖人抑亦其次也周公一人不可與禹為對太公
召公是當稷契自畢公以下恐不及元凱就復強
相攀繼而數為斯也蓋周也今云唐虞之際於
盛也耶彪以文少何故唐虞人士反不如周朝之
此為盛言唐虞之朝盛於周室周室雖隆不及唐
虞由來尚矣故曰巍巍蕩蕩莫之能名今更謂唐

虞人士不如周室反易舊義更生殊說無乃攻乎
異端有害於正訓乎侃案師說曰季氏之意極自
允會春秋傳合當堯舜但既多才勝周而孔子唯
云兩代有五五人者別有以也欲盛美周德隆於唐
虞賢才多乎堯舜而猶事殷紂故特云唐虞五而
周代才多也又明言有婦人者明周代之盛匪唯文
夫之才抑婦人之能匡弼於政化也云參分天下
有其二以服事殷者參三也天下有九州文王為
雍州西伯六州化屬文王故云三分天下有二猶
服事於殷也云周德其可謂至德也已矣者雖聖
德之盛猶服事惡逆之君故可謂為德之至極者
也○註馬融曰至母也○云理官者十人也謂周
公旦以下者周公旦第一也周公名旦是武王弟
也召公奭第二也亦武王弟也太公望第三也謂
呂望也呂望本姓姜氏呂望名尚釣於磻溪文王
出獵遙見而呼之曰望公七年矣今乃見光景于
斯於是接之上車文王自御而還因名為望為周
大師故云太公也畢公第四也榮公第五也大顛

第六也。闕天。第七也。散宜生。第八也。南宮适。第九也。云其餘一人。謂文母也。者。文母。文王之妻也。是有莘氏之女。太姒也。十人。有九丈夫。一婦人也。是也。苞氏曰。殷紂淫亂。文王為西伯。○殷家州牧。曰伯文王為雍州伯。雍州在紂西。故曰西伯也。

子曰。禹。吾無間然矣。註孔安國曰。孔子推禹功德之

盛言。己不能復。間。廁其間也。非飲食。而致孝乎鬼

神。註馬融曰。菲。薄也。致。孝乎鬼神。祭祀豐潔也。惡

衣服。而致美乎黻冕。註孔安國曰。損其常服。以盛

祭服也。卑宮室。而盡力乎溝洫。註苞氏曰。方里為


井。井間有溝。溝廣深四尺。十里為城。城間有洫。洫

廣深八尺也。禹。吾無間然矣。疏子曰。至然矣。○此

間然矣者。間。猶非。非。闕也。孔子美禹之德。美盛而我不知。何以厝於非。闕矣。郭象曰。舜禹相承。雖三聖。故一堯耳。天下化成。則功美漸去。其所因循常事而已。故史籍無所稱。仲尼不能間。故曰。禹吾無間然矣。李充曰。夫聖德純粹。無往不備。故堯有則天之號。舜稱無為而治。又曰。巍巍乎舜禹之有天下。而弗與焉。斯則美聖之極名。窮理之高詠矣。至於此章。方復以事跡歎禹者。而豈徒哉。蓋以季世僻王。肆情縱欲。窮奢極侈。麗厚珍膳。而簡偽乎享祀。盛織靡而闕慢乎祭服。崇臺榭。而不恤乎農政。是以國喪身。莫不由乎此矣。於有國。有國家者。觀夫禹之所以興也。覽三季之所以亡。可不慎與。云。非飲食。而致孝乎鬼神者。此以下。皆是禹不可間之事也。其有三事。一是飲食。飲食為急。故最先也。二是緩於衣服。衣服緩於飲食。故為次也。三是居室。居室

薄而祭祀牲牢極乎豐厚故云非飲食致孝手鬼
 神也云惡衣服而致美乎黻冕者禹又自常衣服
 甚自麤惡而祭祀之服大華美也飲食供鬼神故
 云孝祭服供自己身故云美也然云黻冕冕是首
 服為尊黻是十二章最下為卑卑尊俱居正中可知
 也一云黻非服章政是鞞黻之服也舉此則正服
 可知也云卑宮室而盡力乎溝洫者溝洫田上通
 水之用也禹自所居土階三尺茅茨不剪是卑宮
 室也而通達畎畝以利田農是盡力溝洫也云
 禹吾無間然矣者美禹既深故重云無間然也

論語集解義疏卷第四



右 信 註 疏
周 礼 註 疏
儀 礼 註 疏
公 羊 註 疏
穀 梁 傳 註 疏
王 子 註 疏

口 口 口 口 口 口 口

上
後 門 註 疏
禮 記 註 疏
儀 礼 註 疏
公 羊 註 疏
穀 梁 傳 註 疏
王 子 註 疏

